

FTA KIER CLARIDAD DI CITGO



Pagina 3

- **DIMP: Ta bay actua contra comercio ilegal**

Pagina 4

- **Sindicato ta rechasa plan di transicion Isla**

Pagina 9

- **Candela ta mata tata y yiu**

Pagina 9



Pagina 2

High rise prohibi
pa cachu



Pagina 6

El Salvador: menor cifra di
homicidio den 27 aña



Aruba campeon U11
Disney Tournament

Pagina 20

Segun Monseñor Secco:

‘Nos tur tin cu transmiti balor di un bida positivo’



ORANJESTAD – Nos a caba di habri un año nobo 2020 y Monseñor Luis Antonio Secco, como guía spiritual y religioso di nos Diocesis, a expresa su bon deseo y bendicion na henter nos comu-

nidad.

Monseñor Secco a bisa cu durante henter año nan ta bay traha riba e balor cu nos a ricibi sacramento di bautismo pa nos por desaroya un voca-

cion cu ta un mision pa biba bo bida cu hopi amor y fe. Pero tambe cu hopi speransa y bira misionero den sentido cu bo ta yuda bo prohimo.

E ta haya cu e problema cu nos ta mira

ta cu hopi hoben no ta haya e amor y cariño na cas. Esaki ta haci cu di mes, nan ta desaroya cierto manera di biba cu resistencia y rabia. “Nan ta warda esey den nan curason.” Y si mayornan y scolnan no ta yuda supera e mucha cierto traumanan y cierto falta di cariño, respet y amor na cas, e ora ey nos ta haya un sociedad cu adulto cu ta trece mas problema.

Den esaki e ta mira cu e medionan di comunicacion no ta yuda, ya cu e medionan di comunicacion ta desaroya of transmiti cosnan negativo. “Pero laga nos tur para keto y forma un unidad, y esey mi ta desea pa e año nobo”, el a bisa. Nos tur -segun Monseñor- tin cu transmiti e balor di un bida positivo. Un mision cu Dios a duna cada un di nos pa nos por transmiti e balor di alegria, paz, union y husticia.

Nos tin un mision

Den cuadro di e cambio di año, Monseñor Secco a declara na Bon Dia Aruba cu na e ocasion aki e kier rescata parti di e mensahe cu Papa Francisco a yega di duna nos na luna di october ultimo. E tin di haci cu cada un di nos tin un mision y e mision ta: Dios a manda nos pa biba nos fe dor di bautismo.

Cu esaki e Sumo Pontifice kier bisa na henter mundo Catolico cu nos ta hende cu a ricibi un mision. “Bo bida ta un mision. Bo famia tin un mision.”

Cada cos cu nos ta haci ta manera cu Dios a manda nos pa haci’e. Cu nos a ricibi bida pa nos desaroya un mision den nos mundo. Pues bo no ta un hende sin un meta y sin un fin cu bo ta bisa bo mes pakico mi ta bisa... cual ta e mision cu Dios a duna mi for di e momento cu mi a nace.

Minister di Husticia Andin Bikker:

‘For di Divi Phoenix te cu Ritz Carlton ta keda prohibi pa cacho’

ORANJESTAD – Dialuna pasa, Minister di Husticia Andin Bikker a ofrece un conferencia di prensa pa e medionan local na unda el a laga conoci un decreto den cual lo keda prohibi e permanencia di cachonan den area di high rise.

E decreto ministerial lo ta pa atende e problematica di molester pa turistanan den area di high rise, cu cachonan di parti di un of mas persona cu ta cana cu nan cacho riba beach y algun di nan ta ofrece e bestianan na

turista. Bikker a anuncia cu nan a haci un estudio profundo riba e alternativanan cu leynan existente.

El a splica cu tin dos instrumento. E prome ta instrumento huridico penal, den cual tin diferente articulo di Codigo Penal. Pero den esey nan tambe tin e ley ordenansa riba cacho, cu den un di su articulo ta regarda y duna y posibilidad pa por decreta pa cierto area di e pais na unda e cachonan no tin mag di yega. E area lo wordo delinea cu borchinan. Den diano aki, lo decreta

cu e concepto cu ‘for di area di hotel Divi Phoenix te cu Ritz Carlton lo ta keda prohibi pa cacho’. Pero den esaki tambe lo tin excepcion, por ehempel, si un turista biaha cu su mascota e decreto no ta afecta esaki. Si tin persona cu mester di un cacho pa guia, e decreto aki tampoco lo afecta nan, si hotel kier haci algun evento, nan por haya un ontheffing y bisñanan cu ta biba cerca di area aki tambe lo por pidi un ontheffing. Bikker a menciona cu loke kier logra ta elimina hende cu ta causa molestia pa tur-



istanan y ofrece pa nan cumpra cacho. Ademas nan ta pidi donacion pa duna cuminda pa e cachonan y esey ta algo innecesario. Aparte nan

tin esey den Codigo Penal. Violacion di e decreto aki lo por trece como consecuencia un multa of confiscacion di e cacho.

FTA kier claridad di Citgo y ta bay den ‘accion morocoy’

ORANJESTAD – Sindicato FTA, na nomber di e personal di Citgo cu nan ta representa, a manda dia 31 di december ultimo un carta urgente pa Interim Vice President y General Manager di Citgo Aruba Refining N.V. (CAR), Joe Crawford, avisando e empresa cu como sindicato nan no por conseha nan miembronan riba e oferta di e compania pa termina e contratonan laboral, si no tin claridad riba posible continuacion (parcial) di contratonan laboral cu un o mas operador nobo pa e refineria y/o terminal di crudo.

FTA ta mantene e opinion cu ta obligacion legal di e compania pa informa su empleadonan di e consecucionan di e ‘takeover’ di e operacion pa otro empresa. Esaki segun e sindicato ta claramente estableci den articulo 1615df di Codigo Civil di Aruba. Ta considera cu ofreciendo pakete di retiro y poniendo deadline pa acepta esaki mientras no ta duna informacion tocante continuacion di empleo, e compania CAR no ta cumpliendo cu su obligacion legal como ‘bon empleador’. Esaki segun e sindicato ta crea incertidumbre cerca e personal y ta inacceptable.

Por lo tanto e sindicato ta anuncia cu mientras CAR no cumpli cu su obligacion legal, tur miembro di FTA ta bay den un “slow down action”. Esaki ta

implica cu e miembronan ta continua nan labor regular, pero na un paso mas lento.

Bon Dia Aruba a comunica cu presidente Hubert Dirksz tocante eventual suceso despues di e carta aki, pero el a informa nos prome cu ciere di e edicion aki cu no tabatin novedad ainda.

Nota di redaccion:

Articulo 1615 df di Codigo Civil di Aruba ta referi na e situacion unda cu tin un ‘overname’ (traspaso) di un empresa na un siguiente operador. Den e caso ey e empresa saliente tin obligacion di pone su empleadonan na tempo na altura di:

- a.) E decision tuma di traspaso;
- b.) E fecha intencionada di e traspaso;
- c.) E motibo di e traspaso;
- d.) E consecucionan huridico, economico y social di e traspaso pa e empleadonan y;
- e.) E medidanan considera pa cu e empleadonan.

E pregunta den e caso aki lo ta: ken ta e empresa cu ta tuma operacion na su encargo, si no tin un empresa conoci ainda.

Minister di Husticia Andin Bikker a presenta plan pa 2020

ORANJESTAD – Minister Andin Bikker a duna di conoce su proyectonan pa Ministerio di Husticia pa aña 2020. Tambe el a informa di e reunion cu e tabatin cu joyeronan pa aumenta siguridad den area di crucero.

Bikker a conta algun di e puntonan cu tin planifica pa aña aki. Ta finalizando tur tramite pa un compleho hudicial dilanti di aeropuerto, pa asina departamento di Recherche y otro departamento muda bay eyan. Tambe a menciona cu henter e area aki lo wordo remodela y lo bira un compleho dilanti di entrada di turismo pa reforsa e siguridad.

Bikker a comenta cu despues di hopi aña lo introduci e buki dos di e Codigo Civil, cu ta e ley corporativo. Esey tin basta aña caba den proceso. El a menciona cu siman pasa a entrega e ultimo concepto, pa na luna di januari conhuntamente cu Parlamento lo por introduci esaki. Ademá lo bay ta e prome buki di ley cu

lo introduci den forma di e-Books.

Ademá, Bikker a informa cu lo trece un sistema di camara na Caya Grandi, Boulevard y area di crucero, hunto cu un sistema di alarma directo pa tur e joyerianan, banconan y otro establecimiento. Asina si algo pasa, por meld di biaha y no warda hopi tempo.

Di mesun manera, lo trece e tecnologia di drone cu ta traha cu fuel, cu ta sirbi pa expande nan oranan di vuelo di 3 pa 5 ora, cu hunto cu helicopter, ta sirbi pa reforsa siguridad na isla.

Den e planificacion, manera a keda conoci for di aña pasa, tambe ta e construccion di un centro penitenciario nobo. Par di siman pasa a caba di haya un carta di CAF pa por sigui cu e proyecto aki.

Na luna di februari lo introduci e sistema ESTA (Electronic System for Travel Authorization) pa loke ta trata e situacion di e pais bisña Venezuela. Asina por screen



potencial biahero di e mesun manera cu mester haci pa biaha pa Merca, y di e manera ey por wak si ta admiti e persona of no. Si ta turistanan genuino of ta persona cu ta busca pa haya entrada pa keda na Aruba.

Asina mes, Bikker a confirma cu ta hopi avansa pa e ley pa aumenta castigo pa abuso di menor. El a splica cu tin e ordenansa cu ta cambia diferente ley.

Dianan pasa, tambe a keda conoci un reunion cu Bikker a tene cu joyeronan, pa forma un union cu Indian

Merchants Association, pa asina papia riba diferente incidentenan den area y atraconan arma. Desde algun tempo pasa Bikker a bisa cu a propone pa move e oficina di Tourism Oriented Policing & Security (TOPS) pa e area mas cerca di nan y esey a logra par di luna pasa.

Na e momentonan aki, ta zorg pa esaki keda mas visible y tambe lo instala sistema di camara den henter e area hunto cu sistema di alarma, como tambe coloca autonan di polis dilanti di e area den parkeerplaats.

Di mesun manera, Bikker

a anuncia cu ta buscando e manera pa por reintroduci ‘Visibility Team’ conhuntamente cu Aruba Security and Hotel Foundation. Di esaki el a bisa cu e representante di e asociacion aki tin un responsabilidad comparti di nan banda pa por haci esfuerso tambe pa aumenta siguridad.

Pa finalisa, Bikker a trece dilanti e cifranan di aña 2016 cu un cantidad di 65 atraco arma, na 2017 e cifranan a aumenta den casi dobel, compara cu aña 2018 cu e cantidad a baha pa 34 y cerando 2019 el a duna di conoce cu e cifra a keda reduci na mita.

Director di Impuesto:

‘Nos tin cu stop di aporta na circulo ilegal’

ORANJESTAD – Departamento di Impuesto (DIMP) a splica tocante e situacion di algun negoshi cu ainda no ta cumpli cu ley y algun otro sistema cu ta trahando contra facilitacion di haci control.

Managing Director Luenne Gomez-Pieters di DIMP a bisa cu for di 2019 a bin na luga e cambio di sistema caminda tur comerciante tin

obligacion pa ley pa pone prijs di producto y servicio, incluyendo e belastingnan BBO, BAVP, BAZV riba recibo. Den ley ta prohibi pa pone un prijs riba reki, mientras na caha ta cobra un prijs incluyendo e belastingnan.

Tin algun consumido cu no ta haya factura. E ta splica cu tur persona cu tin negoshi mester paga nan ‘fair share’ ora ta trata di impuesto. Nan

ta mira movecion riba Vraag & Aanbod of otro paginan riba Facebook unda ta duna servicio na cas.

Nan ta tuma nota den tereno di beyesa, manicure, pedicure y nan sa cu negoshi no ta registra na departamento di impuesto. “E consumido ta consciente ki tipo di servicio e ta tuma y ki tipo di producto e ta cumpra, anto nan ta aporta na e circuito ilegal.”

Un circuito caminda, e ta splica cu, no ta cumpli cu regla di ley. Consumido ta acepta y tolera e situacion y ta bira parti di e problema. Di banda di DIMP nan tin un ekipo di control y ta dedica pa keda monitor riba medianan social, corant y otro medianan.

E team ta wak ora tin un cierto melding cu ta dreña pa motibo di actividad ilegal. Por chempel na momento cu no ta paga impuesto ora tin trahado. Ora nan wak cu tin sector di construccion ta tende keho di compania cu ta registra y si ta cumpli cu impuesto y no por competi cu otro negoshi cu no ta registra na DIMP of Camara di Comercio pa motibo cu nan ta duna un prijs barata y tin trahado ilegal.

Gomez-Pieters ta bisa cu nan ta aprecia ora melding dreña pasobra e team di control ta tuma accion di biaha. “Nos ta make sure cu tur hende cu ta haci negoshi of genera entrada ta paga fair share den impuesto.”

Durante aña nan por mira ora cu controla negoshi cu ta registra cerca nan tin basta coreccion cu ta sucede den buki ora cu nan wak no tur negoshi ta paga locual mester paga. Si nan wak un coreccion di 20.000.000, esaki ta hopi na BBO, cual ta nifica cu negoshi registra no ta reporta impuesto manera mester ta.

Pa e motibo aki nan ta keda pendiente y ta sigur pa tur hende ta registra y tur hende paga nan fair share. Gomez-Pieters ta bisa cu tin cu cambia mentalidad mas husto cu tur hende ta paga. “Tin hopi presion na departamento pa cumpli cu e norma stipula pa entrada. Nos ta haciendo nos miho esfuerzo pa encamina e digitalisacion caminda tin mas control den e proceso”, e ta splica.

Asina ta keda pa duna boet automatiza. Tin algun cosnan cu tin cu cambia manera no tur banco ta riba un plataforma digital caminda por conecta mas miho y pa keda traha hunto den e departamento.

“Nos como departamento den gobierno ta haciendo nos best pa cumpli cu demanda di

nos contribuyente y mas lihe, pa ta mas automatiza pa asina cliente for di su cas por haci su aangifte y pago”, Gomez-Pieters a bisa.

Nan ta haci apelacion na sector priva cu nan tin algun partnernan strategico cu ta traha hunto pa logra e meta. Pero mester ta consciente cu tur hende tin cu paga. Tin keho na DIMP pa controla riba cierto impuesto cu no ta paga.

Un chempel ta e grondbelasting, caminda cu hende ta biba pa varios aña largo y nunca nan a paga grondbelasting. Esey ta bira trabou di DIMP pa controla. “Mirando cu nos tin pa baha gasto di personal y nos no ta hayando mas hende, nos tin cu bira mas sabi y ta trahando hunto.”

Si traha hunto ta cera e gap pa cosnan raporta y no ta keda acepta e situacion di ilegalidad, caminda comerciante por haci negoshi sin cu nan ta paga. E ta enfatisa cu tin cu stop di keda riba e circulo y apoya negoshi cu ta ilegal.

El a bisa cu tambe lo implementa e sistema caminda cu cada bes un negoshi cera of registra nan ta haya informacion di biaha. Nan por tin den sistema e data, censo, adres na Aruba, of ora e cliente cambia e informacion, cual lo ta ‘un manera mas structura’.

Nan di DIMP tin sigur cu tin mas cu 20.000 cliente cu nan cuenta di banco no ta registra cerca nan. Di e forma aki nan kier departamento tin e automatizacion structura pa garantiza informacion corecto di cliente.

Nan tin un conexion cu Camara di Comercio, tambe den caso caminda un negoshi cera nan tin informacion di biaha. “Nos ta bay implementa sistema caminda cliente no entrega su aangifte awo caba e ta haya boet pero despues di 3 biaha e no entrega, pa nos ta bayendo robes cu e negoshi.”

Si nan ta ripara cu negoshi ta cerando of no tin actividad, nan ta tuma accion of haci bishita. E meta di traha mas cerca cu Camara di Comercio of otro departamento den gobierno ta pa tin mas control y pa nan por actua mas trempan.



Editor

Caribbean Speed Printers N.V.
 Aruba Bank N.V. Acc. #332668
 Caribbean Mercantile Bank N.V.
 Acc. #23951903
 RBC Royal Bank Acc. #1330772

Ass. Dir. Ehecutivo

Xiomara Arends

Redaccion Ehecutivo

Leo Maduro (hefe de redaccion)
 Nicola Gonzalez (redactor ehecutivo)
 Pilar Flores (redactor ehecutivo)

Redaccion

Benjamin Romero
 Kenna Hernandez
 Andreina Morillo

Departamento Digital

Juan Luis Pinto

Ehecutivo di Benta

Sulaika Croes

email: sulaika.croes@cspnv.com

Linda Reijnders

Aviso y Arte

Sandra Loefstop
 Lisa Tromp
 Shannon Geerman

Administracion

Mariette Engelhart
 Martha Arteta de Ariza
 email: accounting@bondia.com

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
 Pablo Libre

Press

Roland Schenker (Hefe)
 Omar Ramirez
 Martin Boekhoudt
 Francis Dirksz

Colaboracion

Luis Villegas
 Associated Press
 Ret Karibense
 Upload Media Aruba
 Verbum Works

Afiliacion

Sociedad Interamerica
 di Prensa (SIP)

DIRECCION

Adres: Weststraat #22
 Tel: 582-7800 / Fax: 582-7044
 Email: noticia@bondia.com
 aviso@bondia.com
 Website: www.bondia.com
 Facebook: @bondianoticia
 Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Editorial

Nos ta papia soño... *Mientras mester duna claridad...*

Aña 2020 ta habri cu un situacion dificil na e refinaria na Aruba. Igual na esun di Curaçao, pero den un situacion bastante diferente. Den tur dos caso ta existi manejo cla y actuacion cu decision, pa yega na solucion mas sensato posible. Esey den ambos caso ta principalmente tarea di gobierno, cu lo mester duna tanto e empleadonan como publico en general cierto claridad riba e asunto. Y claridad en todo caso no ta pa continua mantene e pensamiento cu operador(nan) nobo lo ta e solucion pa e refinarianan aki. Pa esun di e hermana isla por tin speransa ainda, ya cu te algun tempo pasa e tabata den operacion, inclusive gasolin y diesel pa consumo local. Algo cu Aruba no conoce por lo menos desde inicio di añanan 80 di siglo pasa.

Sin embargo, aki tambe tin contratiempo pisa. E sindicatonan na e isla no ta di acuerdo cu e benta di e refinaria cu Klesch Group, despues cu e lease e 'propiedad di pueblo' aki pa 34 aña cu Pd- vsa. E prome pensamiento di mayoria lo tabata cu lo a yega na un acuerdo cu Klesch a base di lease, pero e prome noticianan a resulta corecto cu tabata trata di traspaso di e propiedad pa Klesch pa un suma desconoci. Ta di spera cu e suma ta mas cu e simbolico 1 florin o dollar, pero por ta cu e no ta mas cu esey. Nos ta bisa esaki pasobra den e bidding reciente na Trinidad & Tobago Klesch a anuncia di no tin placa pa duna, pero cu nan lo por paga cu impuesto... cu nan debe di tur manera. Gobierno di Trinidad & Tobago a pone nan un banda practicamente considerando nan 'no serio'. Y esaki ta e 'best bidder' na Curaçao... Di cualkier manera, no a papia e ultimo palabra ainda na e isla ey, unda ya tin un grupo di empleado cu ta buscando un miho futuro na Hulanda.

Pa bolbe na e situacion cerca nos mes, e terminacion di actividad pa fin di e luna aki di Citgo, en todo caso pa loke ta e actividadnan di Citgo Aruba Refining NV, cu ta e compania cu tabata pretende di start up operacion di e refinaria. Placa pa inverti nunca a yega y esun cu eventualmente ta interesa den e refinaria lo mester bay lidia cu un planta cu casi 8 aña pasa a cera y a keda na merced di elementonan di nos clima agresivo pa tur cos cu ta metal. Y cu dia el a cera caba e tabata manca y incapaz di produci producto final. No ta pornada gobierno anterior por a yega na un solo deal: converti e planta den un upgrader pa crudo ultrapisa Venezolano. Otro consideracion

cu ta haci bastante improbable cu hamas nos lo mira un refinaria normal funcionando ta e hecho cu mercado di producto final manera gasolin ta muestra exceso pa varios decada caba.

No ta pornada Bon Dia Aruba a publica na inicio di e siman aki (30 di december) un analisis extenso di e refinarianan di exportacion riba e islanan den nos region, unda ta resulta cu e perspectivanan pa Aruba ta hopi menos bon cu pa Curaçao, St Croix y Trinidad & Tobago, principalmente pa e condicion den cual e planta ta. Pero pa nos sorpresa gobierno ta aparece cu un lista di no menos cu 25 empresa cu ta interesa den e refinaria. Nos no conoce e lista, pero mirando con e otro procesonan di bidding a bay na e otro islanan, nos no ta kere cu tin ni un compania di reputacion mundial riba e lista. Loke ta resta anto, ta companianan manera Klesch cu ta mas den compra y benta di producto petrolero cu nan ta den petroleo, aunke nan tin un refinaria (chikito) na Alemania. Y esaki ta trece nos riba e pensamiento cu tin compania cu ta interesa posiblemente pasobra nan tin otro interes cu opera un refinaria obsoleto. Y pakico esey?

Pasobra e interesnan economico involvi cu e tereno unda e refinaria (no) ta opera ta hopi mas diverso cu solamente e refinaria. Y si nos ta pensa pa futuro, ta bira mas y mas importante pa nos cuminsa contempla e posibilidadnan aki, na lugar di laga gobierno ciega nos cu un promesa vago di un 'refinaria completamente renoba' cu ta algo cu ningun hende cu dos placa di conocimiento di e materia aki ta kere posible. Nos tin na e momento aki na e cuatro islanan menciona mas di 1,3 miyon bari pa dia di capacidad di refinacion di crudo paralisa, dos di nan desde 2012. Y ken a haya nan falta? No e mercado, en todo caso...

Por ta cu nos mester enfoca mas riba otro actividad cu refinacion, manera logistica maritimo, unda nos tin excelente posibilidad na San Nicolas, no awor sino pa hopi aña caba. Kizas gobierno no a yega na e fase aki ainda, o no kier laga ningun hende wak nan cartanan. Banda di duna claridad tocante e rumbo pa tuma, de paso mester duna claridad na e actual empleadonan di Citgo. Esnan involvi den trabao relaciona cu trece combustible aden pa nos economia, mester por haya seguridad. Ta momento pa muestra actuacion decisivo, y no 'sueños color de rosa'.

Presidente Argentino ta bisa cu no tin prueba cu a asesina fiscal Nisman



BUENOS AIRES (EFE) – Presidente Argentino, Alberto Fernández a bisa diahuebs ultimo cu no tin un ‘prueba serio’ cu ta sigura ‘cu a mata’ e Fiscal Alberto Nisman, kende

dianan prome cu a hay’e morto na januari di 2015, a señala e actual mandatario y awor vice-presidente, Cristina Fernández, di ta sconde teroristanan.

Alberto Fernández a haci e declaracionnan aki despues di pone den duda e teoria di suicidio den un documental cu a estrena diaranson ultimo pero a wordo graba tres año atras, prome cu el a ser elegi

como formula di Cristina Fernández pa e eleccion di october ultimo.

“Mi kier sa kico a pasa cu Nisman, si e mes a mata su curpa y pakico”, Alberto Fernández a expresa den un entrevista. Entre otro asunto, el a ser consulta pa e caso Nisman, despues cu e plataforma Netflix diaranson pasa a estrena e mini serie ‘E fiscal, e presidente y spion’.

Fernández, ex-hefe di Gabinete di e Gobiernonan di Nestor Kirchner (2003-2007) y Cristina Fernández (2007-2015), cu na fin di 2017 a establece relacion bek cune despues di un decada di distancia, ta un di e personanan mas entrevista den e documental, cu segun ta describi e version oficial riba e ‘morto sospechoso’ di Nisman.

“Te dia di awe, mi ta duda cu

el a mata su curpa”, Fernández a opina den un entrevista graba na 2017.

Cuatro dia prome, Nisman a acusa Cristina Fernández y parti di su Gobierno di uza un acuerdo firma cu Iran na 2013 pa sconde presunto teroristanan Irani a cambio di mehora e relacion comercial cu Iran, algo cu e semper a nega.

Desde e Kirchnerismo semper a insisti cu e convenio ey cu Argentina a declara inconstitucional y e pais Persa no a confirma, loke tabata pretende ta pa establece un investigacion conhunto di e atentado, di e cual e autor ta e grupo Hizbula y ex-alto funcionario Irani.

E denuncia di Nisman inicialmente a ser rechasa pa Hues Daniel Rafecas, aunke a habri bek na 2016.

El Salvador a registra cifra mas abao di homicidio den 27 año

SAN SALVADOR (Infobae/Reuters) – Homicidionan na El Salvador na luna di december di 2019 a registra e cifra mas abao desde e fin di guerra civil na e pais ey na 1992, presidente Nayib Bukele a sigura diaranson ultimo.

“Feliz año nobo na tur hende! Nos pais a cera año 2019 caba como e luna mas sigur desde e Acuerdo di Paz”, Bukele a manifesta a traves di su cuenta di Twitter.

December a suma 120 homicidio, cu un promedio pa dia

di 3,87 morto, e presidencia a sigura den un comunicado.

E luna cu menos homicidio cu ta sigui ta october cu 124, augustus cu 130, november cu 131 y september cu 148.

E reduccion di homicidio, segun e Presidencia, a produci desde 20 di juni e ehecucion di entre otro medidanan e denomina Plan Control Territorial, cu ta inclui e municipionan mas violento.

Entre 1 di januari y 28 di december, El Salvador tabata

suma 2.374 homicidio un cifra menor cu 3.316 homicidio di e mesun periodo di año 2018. E mayoria di e morto ta atribui pa e gangnan.

Ta calcula cu e gangnan na El Salvador tin 70.000 miembro aproximadamente, di e cual mas di 17.000 ta den prizon. Den su mayoria, nan ta pertenece pa Mara Salvatrucha (MS-13) of su rival Barrio 18.

Na 2018, El Salvador a figura cu un di e paisnan sin guerra mas violento di mundo cu un



promedio pa año di 51 homicidio pa cada 100.000 habi-

tante.

Mas Nicaraguense ta yega Panama pa huy di crisis

CIUDAD DE PANAMA (EFE) – Ayera autoridadnan di Panama a bisa cu e yegada di hende for di Nicaragua a aumenta pa via di e crisis y cu nan ta

mira mas dificil pa emigra pa Merca, debi na e politica implementa pa Guatemala y Mexico pa impedi cu e fluho di e personanan ey por yega na e nort di

America.

Director di Servicio Nacional di Migracion, Samira Gozaine, a splica cu ta trata di Nicaraguensenan cu a drenta

di forma ilegal ‘pa keda’ na Panama, na unda actualmente tin 60 persona di e pais ey den refugio migratorio pa su deportacion of expulsion.

Gozaine a sigura cu e aumento di e cifra ta debe pa Guatemala y Mexico, cu a reforsa e fronteranan como parti di e politica cu ta purba frena e fluho irregular migratorio pa Merca cu a genera un crisis na 2019.

Na Panama tambe a yega a traves di e selva peligroso di Darien, frontera cu Colombia, centenas di migrante di paisnan Africano, Asiatico, Caribeño y Sur Americano, cu tin como destino final Nort America.

Actualmente tin 45 migrante irregular na La Peñita, un comunidad indigena di Darien cu na comienso di 2019 tabatin exceso di persona, casi 5.000 habitante den transito y alrededor di 800 mas na Gualaca frontera cu Costa Rica, na unda nan tabata na espera di crusa pa e pais ey y sigui bay nort.

Den un declaracion, Gozaine a agrega cu ta mantene e strategia cu cada dia por crusa pa Costa Rica 100 di e migrantenan den transito, den marco di e politica conoci como ‘fluho controla’ cu a acorda añanan pasa entre gobiernonan Panameño y Costaricense.



Venezuela: Hiperinflacion y caida economico mas grandi di mundo

CARACAS (LaPatilla) – Venezuela ta cera aña den materia economico cu e indice mas halto di hiperinflacion na mundo, den un situacion economico unda dollar a tuma lugar di e bolivar, cu a practicamente desaparece y e bononan di regimen di Nicolas Maduro a haci bida di pensionado y empleadonan publico un calvario.

Na 2019 inflacion no a yega na loke tabata proyecta, mas di 10 miyon %, pero ainda lo ta por lo menos 200.000%, segun Fondo Monetario Internacional (IMF). Suficiente pa caba cu valor real di e bolivar, cu a termina aña na mas di 55.000 pa un dollar.

E produccion minimo di petroleo y producto deriva, y e fayonan den suministro di coriente ademas di e poco apertura cu tin pa inversion stranhero ta mantene su economia sin perspectiva di mehora. Un di e problemanan mas grandi pa e Venezolanan tabata e pesimo ‘desempeño’ di e servicicionan publico: awa, gas, gasolin.

Di parti di prensa comprometi cu e regimen ta trata di presenta e dolarisacion como



algo cu ta sucede tur parti di mundo como algo logico pa motibo di e peso di e dollar den economia mundial. Sin embargo, esaki ta ignora e papel di divisa stranhero en general, cu si tin valor com-

para cu e bolivar cu a bay atras asina hopi y rapido, cu e no tin uso mas como instrumento di pago.

Desde e momento ey, economia di e pais a cambia com-

pletamente, pero “pa pio” debi cu e salarionan ta na bolivar pa e empleado publico, manera constitucion ta bisa, mientras gran parti di e personanan di edad halto no tin cuenta di banco o no ta ricibi

placa di exterior na dollar. Cu consecuencia cu un parti chikito di e poblacion ta sobrevivi riba divisa cu ta ricibi di exterior, mientras e masa grandi no tin acceso na moneda di valor real.

Venezuela: 2020 ta cuminsa cu persecucion politico igual

CARACAS (LaPatilla) – Presidente di Foro Penal, **Alfredo Romero a duna di conoce cu Venezuela a habri 2020 cu e cantidad mas grandi di preso politico den historia di e pais.**

“Feliz Aña 2020 pa tur hende. Nos ta manece cu e cantidad mas grandi di preso politico na Venezuela pa un comienzo di aña. Nan ta 388,” el a alerta.

Entre e presonan politico tin 270 civil y 118 militar, cu ta priva di nan libertad solamente pa mantene un ideologia contrario na esun di e dictadura di Nicolas Maduro. Alto comisionado di Organizacion di Nacionnan Uni pa Derecho Humano, Michelle Bachelet, a urgi regimen di Maduro pa libera tur preso politico den su ultimo actualisacion di su informe dia 18 di december. Den su informe Bachelet a

alerta cu por lo menos 118 preso politico mester haya nan libertad di inmediato pa motibo di salud, retraso den proceso hudicial, falta di eheucion di orden hudicial di pone preso den libertad, y/o falta di liberacion pa cumplimiento di castigo.

Omar Mora Tosta, abogado especialista den ciencia penal y criminologico, a sigura cu 2019 tabata un aña cu a representa represion y persecucion na Venezuela.

“2019 a representa un aña di hopi represion y persecucion na Venezuela. E aumento di preso politico y desaparicion forza cu ainda ta tumando lugar, tanto pa loke ta civil como militar. E cifranan cu ta duna semper ta aproximacion, pasobra nos ta kere cu ta trata di mas persona. Mientras no ta procesa e casonan aki hudicialmente corecto, nan ta pasa bao mesa,” Mora a bisa durante un entrevista na TVVenezuela.



Ateliers'89 Academia di Bellas Artes Aruba, subsidia pa UNOCA y Mondriaan Fonds, ta habri su aña nobo cu e workshop mahestral.

E workshop na Ateliers '89 ta pa un luna y ta 4 bes pa siman di Dialuna pa Diahuebs di 6.30 pa 9.30pm.

Ateliers '89 ta situa na Dominicanessenstr. 34, riba e crusada tegenover di Maria College na playa. Inscribi awor via e-mail na elvis@ateliers89.com Of yama libremente na telefonan 5654613 o 5654613.



Dominicanessenstraat 34, Oranjestad.
www.ateliers89.com

Eddad ta 12 aña pariba.
INSCRIBI AWOR
YA CU CUPONAN
TA LIMITA!

Sponsor: UNOCA



Salario na Hulanda a aumenta cu 2.5%, pero inflacion cu 2.6%

HULANDA (dutchnews.nl) – Trahadonan na Hulanda cu ta negocia nan salario colectivamente a mira nan salario aumenta cu un averahe di 2.5% aña pasa, e aumento di mas grandi den 10 aña, segun agencia nacional di estadistica CBS a reporta.

Sin embargo, e aumento ta marginalmente bou di inflacion, cual a aumenta 2.6% na 2019 en general. Ta prome biaha den cinco aña cu inflacion a

cancela aumento di salario den CAO, segun CBS. E aumento di mas grandi – 3.1 por ciento – a bay pa trahadonan den industria di hospitalidad, unda tin escasez pisa di trahado. Esun di mas chikito – 1.6 por ciento – a ser registra den sector di informacion y comunicacion.

Lo publica e figuranan definitivo e luna aki. Costo di salario pa dunado di trabou a aumenta 3.1 por ciento pa motibo di aumento den desempleo y den prima di beneficio pa invalidez.

Turista ta hoga na Great Bay

PHILIPSBURG (The Daily Herald) – Paramedico y polis riba 30 di december a haya nan mes ta pura pa purba yega na Great Bay Beach, unda un muhe turista M.V.C (70) a hoga.

Ora e autoridadnan a yega, un grupo di persona cu a presencia e señora su hogamento tabata purbando di resucita e turista, cu na e momento ey no tabata halando rosea. Segun e victima su famia, e señora a drenta awa y na cierto momento no por a localis'e. Otro personanan bishitando e beach a saca su curpa di e awa mas laat.

Paramediconan a aplica CPR riba e señora pa purba resucit'e. Despues di par di minuut a sinti un pulso debil y a dicidi di manda e señora na St. Maarten Medical Center (SMMC) pa atencion medico. Riba 31 di december inspector policial Ethelwoldus Sosepha a confirma cu e señora a fayece.



Universidad di Maastricht a paga hackers pa recupera acceso na sistema

MAASTRICHT (Dutch News, Observant) – Universidad di Maastricht a paga 'un par di 100 mil Euro' na hackers cu a logra kibra den nan sistema prome cu break di Pasco, segun un noticiero di universidad yama Observant.

Despues cu nan a haci e pago,



e hackernan a duna expertonan cibernetico di e universidad e yabi pa drenta bek den e sistema.

E universidad mes no a comenta riba esaki. E atake a tuma luga riba 24 di december y a resulta den 'freezing' di e sistema di email y di e sistema di Windows.

Expertonan cibernetico a sugeri cu e hack tabata e trabou di un grupo Ruso conoci como TA505, kende ta enfoca riba ransomware. Sin embargo tin otronan cu a nenga esaki bisando cu esaki ta especulacion.

Maske e sistema no ta completamente cla pa cuminsa core manera normal, les ta cuminsa riba 6 di januari y tur cos lo cuminsa core manera plania.

Cambionan den ley Hulandes pa 2020



DEN HAAG (Dutch News) – Manera ta custumber na Hulanda, na comienso di aña tin varios pida di legislacion cu ta conoce cambio. E aña aki esaki ta inclui cambionan na impuesto, trabou, salud y mas.

Inkomstenbelasting

E sistema di impuesto ta wordo cambia di un sistema cu 3 categoria pa un di 2. Tur hende cu ta gana te 68.507 Euro lo mester paga 37.35% di impuesto riba nan sueldo, mientras personanan cu ta surpasa e limite aki lo mester paga 49.5%.

Minimumloon y negoshi chikito

Sueldo minimo lo hisa pa 76.32 Euro pa dia pa trahadonan di 21 aña bay arriba, mientras pa personanan di 15 aña di edad cu ta traha, e sueldo minimo lo ta 22.90 Euro pa dia, cual ta sali riba 2.87 Euro pa ora.

Ora personanan ta traha independiente-

mente, nan reduccion di impuesto ta baha di un cantidad di 7.280 Euro pa 7.030. Eventualmente den 2028 gobierno tin plania di reduci esaki te 5 mil Euro.

Un di e cambionan grandi pa negoshinan chikito lo ta den e sistema pa determina cuanto BTW nan mester paga. Negoshinan chikito cu ta gana menos cu 20 mil Euro pa aña lo por bin na remarke pa no tin obligacion di paga impuesto riba e suma ey.

E beneficio social pa paga pa cuida di mucha a subi pa maximo 8.17 Euro pa ora pa cuida durante dia, mientras pa traimerdia el a subi pa 7.02 Euro. Si e cuida ta mas caro e persona mester paga e diferencia.

Maske no tin obligacion pa hende homber bay den servicio militar desde 1996, entrante 2020 mucha muhe cu cumpli 17 tambe lo ricibi cartanan yamando pa participa den servicio militar, mescos cu mucha homber tambe ta ricibi.

Ta investigando candela cu a mata tata (39) y yiu (4)



ARNHEM (AD, Dutch News) – Un homber di 39 aña di edad a fayece despues di un candela cu a kima un flat na Arnhem. Su yiu di 4 aña tambe a fayece pa via di e candela (supuestamente) causa pa klapchi riba madrugada di aña nobo. Autoridadnan ta lansando un investigacion preliminar.

E candela a conoce varios victima, bou cual un señora cu su yiu di 8 aña, kendenan ta ainda den condicion critico despues cu nan a keda pega den un candela den e lobby di nan apartamento. E famia tabata bishitando nan welonan riba di 5 piso.

Segun reportenan, e flat cu 12 piso tabatin un entrada so, y esaki tabata blokia pa e candela, cual a cuminsa rond di 1or di madrugada. E kimamento di e edificio su entrada ta specula pa ta causa pa muchanan dos mucha homber di 12 y 13 aña di edad cu tabata hungando cu klapchi. Actualmente polis ta interrogando e muchanan. Tin informacion cu ta indica cu e muchanan tabata dilanti e entrada (riba camara) cendiendo klapchi prome cu e candela a cuminsa.

Despues di e investigacion preliminar lo determina si lo bay lansa un investigacion mas amplio.


Sindicato ta rechasa plan di transicion pa Isla

WILLEMSTAD (The Daily Herald, Antilliaans Dagblad) – Un reglamento di transicion proponi pa gobierno y Refineria di Korsou (RdK) a wordo rechasa pa trahadonan di Isla.

E plan, anuncia conhuntamente pa prome minister Eugene Rhuggenaath y Director di RdK Marcelino Delannooy, tabata encera cu tur e trahadonan lo haya un contract di trabou na Curacao Refinery Utilities (CRU), cual lo provee un salario bou mesun condicionnan actual pa 6 luna te cu Klesch Group tuma over.

E plan aki, yama pa e prome minister como “Plan B”, a keda rechasa pa sindicatonan y nan miembronan. Nan kier un periodo di 12 luna, pasobra PDVSA mes tambe a pidi esaki. Banda di esaki e echo cu no lo duna trahadonan e siguridad di un bonusnan y placa pa vakantie tabata un ‘trigger’, segun lider di sindicato PWFC, Angelo Meyer a conta Antilliaans Dagblad.

Prome minister a bisa cu e no ta compronde e rabia: “E plan B aki ta bon y ta specialmente na beneficio di empleadonan y e economia local. Si interesnan di otro pais ta wordo sirbi, esaki mester wordo condena.”



Clasificado

ECONOMICO

Personal GRATIS max. 20 palabra
 PASA LAGA BO AVISO NA OFICINA DI BON DIA
 ARUBA WESTSTRAAT#22 FOR DI 9:00AM-4:00PM
 Email nos na
 classified@csnv.com

TA BENDE
 un apartamento muebla
 Schotlanstraat 17
 Apt.J
 Tel. 593 3636

SERVICIO PUBLICO
 Señora ta ofrece servicio pa
 cuida mucha of hende grandi-
 Tel: 593 1777

SERVICIO PUBLICO
 ta yuda busca cas
 pa cumpra of huur
 Tel. 563 1449

TA BENDE
 Nissan March, dirección
 derecha, 2014, unico dueño en
 Aruba. Se entrega alineado,
 cambio di aceite de motor y
 transmisión, color blanco.
 Está como nuevo
 Tel 739 9090

SERVICIO PUBLICO
 ta haci tur tipo di trabou
 di costurera
 Tel. 593 2085

TA BENDE
 Caha di Orgel.
 Tin 3 cylinder NOBO.
 Pa mas informacion yama
 Tel. 593 0203

TA BENDE
 un cas: 3 camber / 2 baño
 na Primavera, Awg.395.000
 Tel.592 9966

SERVICIO PUBLICO
 Mi ta ofrece servicio di
 electricidad en general,
 problema cu corto circuito
 y mantencion
 Tel. 566 5026

SERVICIO
 Unified One Events
 Photos , films, wedding
 Tel. 749 2533

SERVICIO PUBLICO
 Master Nails
 Pa e miho servicio y experiencia
 den mantencion y atencion pa
 bo huñanan. Yama pa un cita
 Tel. 744 9214

TA BENDE
 Hopi barata set di comedor
 Bamboo / cama double + kashi
 kashi cushina/ 2 kashi paña
 Tel : 561 7112

FOR SALE
 sructura pa traha casdi trailer
 mas grandi cu 40 pia. Fls.5 mil
 Tel. 5694343

TA BUSCA
 Ayudante di cushina cu carchi
 verde y permiso
 entre 20 y 45 aña
 Tel: 592 2441

SERVICIO PUBLICO
 Buscando auto pa huur y na
 bon prijs? yama nos
 Tel. 593 9953/ 593 8453

SERVICIO PUBLICO
 ta drecha tur sorto
 di Imagen y verf
 Tel. 584 2489

SERVICIO PUBLICO
 Barata Barata
 Nos ta chapi, lanta sushi, spuit
 veneno, corta mata, na bon prijs
 Arubiano balente
 Call 592 5766

SERVICIO PUBLICO
 Pa haci trabou di verf y chapi,
 tur mantencion di pafor di cas
 Yama y puntra pa Benito na
 Tel.593 0040

SERVICIO PUBLICO
 Ta haci tur trabou di
 construccion y carpinteria y tur
 cos cu ta furamento di stul
 Tel : 746 0518

TA HUUR
 casita muebla pa 1-2
 persona(sin mucha) serio y re-
 sponsabel, situa central na San
 Nicolas. Excl. awa y coriente
 Yama 9am-5pm
 Tel. 594 2502

SERVICIO PUBLICO
 Christina God Gifted Spiritualist
 I specialize in love marriage
 I will reunite the separated
 I remove all evil negative
 energy
 I succeed where others have
 failed fast immediate results
 1-561-557-9540

TA HUUR
 apartment na Madiki Kavel
 Whatsapp
 Tel. 746 2395

GRATIS
 Nos ta piki tur sorto di auto bieu,
 gratis. Tambe airco, bateria,
 stooft, wasmachin, frigidaire etc
 Tel. 561 4297 / 561 5179

FOR SALE
 Two large 2 bedrooms/ 1
 bathroom apartments at Bubali/
 Noord, ideal for short term
 rentals and for \$298,000.00
 Tel. 593 6318

SERVICIO PUBLICO
 Masaje relajante, sports ma-
 sajes, aroma terapia, piedras
 calientes, reflexologia, faciales
 Sabana Basora # 157 P.Ch.
 Tel. 561 8520

FOR SALE
 Commercial property close to
 the new Container Port in
 Barcadera, build-up 424 m2,
 land 2400 m2 for \$337,078.
 For more details
 Tel. 593 6318

TA BENDE
 boonchi largo, comcomber
 chikito, menta y awo com-
 comber di salada.
 Tel.5621223/ 587 9008

TA BENDE
 BBQ Grill tipo cilindro
 "criyoyo" duradero
 Prijs Afl.250
 Tel. 569 7787

SERVICIO PUBLICO
 Construction
 remodelacion di cas, traha cas,
 apartment, traha y drecha dak,
 electricidad, verf pega mosaico,
 traha cura, plomeria. Bon prijs
 Tel. 593 3141

SERVICIO PUBLICO
 Gran Feria di Fruta y Verdura
 na Rococo Plaza diahuebs,
 diabierna y diasabra 3 or te cu
 8 or anochi . Tur siman

SERVICIO PUBLICO
 Sra. ta busca trabou den cuida
 di mucha y anciano y tambe
 limpieza di cas of oficina
 Tel. 749 6870

SERVICIO PUBLICO
 Mi ta ofrece servicio di electri-
 cista en general corto circuito y
 mantencion
 Tel.566 5026

SERVICIO PUBLICO
 Se ofrece servicio de reparacion
 e instalacion de aires acondicio-
 nados Split e industrial también
 reparamos frigidaire, cuartos
 frios y fabricantes de hielo
 Tel. 600 0750

FOR SALE
 Mustang convertible 2009
 top condition airco v8
 Fls.35 mil jama pa mas infor-
 mation y pa test drive
 Tel. 5694343

TA BUSCA
 pa cumpra 1 tereno Eigendom
 di ongerveer 400 m2 pa 500
 m2 den vecindario di Madiki,
 Socotoro, Meinveld, Ponton,
 Companachi of otro bario
 Tel.593 0769 / 593 3514

TA HUUR
 Apartment full muebla. Incl.
 awa, excl. coriente. Vecindario
 Tele Aruba.
 Pa mas info yama
 Tel.593 8488 / 593 7755

SERVICIO PUBLICO
 recojemos todo tipo de basura
 (nevera, estufa, etc)
 Tel. 564 1979

FOR SALE
 Commercial property close to
 the new Container Port in
 Barcadera, build-up 424 m2,
 land 2400 m2 for \$337,078.
 For more details
 Tel. 593 6318

TA BENDE
 Toyota Hilux pickup double ca-
 bina 1999 color gris. Mester bay
 Prijs negociable, ta den bon
 condicion
 Tel. 563 8822

SERVICIO PUBLICO
 Pa tur trabou di tapiceria di
 mueble, auto, yate y barco.
 Nos ta haci trabou di cabana y
 bambu y nos ta verf
 Tel : 569 7539 / 737 3993

**ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI
 MAS CERCA DI BO!**

Yena aki bao e siguiente informacion

Telefon
 Number completo:.....
 Adres di entrega:.....
 Adres di cobranza:.....

Pago Adelanta: 3 Luna 6 Luna 1 aña

**Yama na telefon: 582-7800 of manda un email na accounting@bondia.com
 www.bondia.com**

- Cobranza na Cas.
- Cobranza na Trabao.
- Paga via Banco (Standing Order) Aruba Bank no:33266.8
- Paga Aruba Bank ABO ONLINE .
- Paga CMB ONLINE .
- Personal na oficina di Bon Dia Aruba.
- Pone den Box.
- Tira den Cura.



Awo cu 2 florin mas, bo por gana e **MEGA PLUS**

* Afl.

410.000,-

* Afl. 310.000,- + Afl. 100.000,-
sorteo ta awe noch
extra

Obtenibel na cualkier rebendado di Lotto.



Come local ta come saludabel - Parti 1



ORANJESTAD – Aña nobo a habri, y hopi di nos lo tin resolucio pa come mas saludabel den aña 2020. Den esaki, come local por tin un influencia. Cu suerte, Aruba tin cantidad di fruta y berdura local pa satisfice tur gusto y keda come fresco y saludabel.

Mispel

Mispel ta un fruta cu caracter (5-10cm). E no ta hecha te cu piki e of e cay for di e mata. Mispel ta duro ora ta berde, soft y cu juice ora e ta hecho. Tecnicamente e ta un 'berry', pero su casca ta similar na un kiwi. E ta zoet y granoso, cu un sabor ligero. E 'gum' di e mata tambe ta un fuente di 'chicle', e ingrediente original uza pa traha bals. Rico den taninis, antioxidantenan demostra di contene componente anti-inflamatorio, y vitamina C esencial pa funcion immuun saludabel. E ta disponibel henter aña.

Kenepa

Un fruta berde oval cu ta crece den grupo riba mata hasta 30 meter halto. E fruta aki ta relaciona na lychee y tin casca rigido pero delega. Paden di e casca tin e fruta acido of zoet cubriendo un simia grandi. E pulpa usualmente ta color crema of oraño. Kenepa ta fortifica sistema immuun, y ta preveni reproduccion di virus y bacteria den curpa. E fruta aki ta recomenda pa trata infeccion di pulmon y di orina. Tambe ta yuda cura insomnia y ta rehobenece sistema nervioso. Tipicamente ta haya kenepa den zomer.

Druif

Druif di lama ta practicamente na tur beach di Aruba. E mata usualmente ta uza den landscaping riba

santo net riba beach, y e ta produci gruponan di fruta cu ta parce druif. E fruta aki ta comestibel, y ta uza pa traha jam.

Nan tin tiki caloria y sucu, permitiendone bacteria bon den curpa digeri cuminda y saca desperdicio rapido, cual ta efectivo pa preveni constipacion. Druif ta disponibel den lunanan di september y october.

Shimaruku

Esaki por ta e fruta salvahe mas popular di Aruba. E 'berry' local aki a crea e habito entre hendenan local pa stop cant'i caminda pa piki e fruta di generacion pa generacion. Con zuur e fruta ta, ta depende di e cantidad di yobida cu e haya. Shimaruku cora usualmente tin miho sabor cu oraño. E fruta tin un super poder: e ta un berdadero bom di vitamina. Adulto mester apenas 3-4 di e berrynan aki pa consumi e dosis diario recomenda di vitamina C. Por haya shimaruku den lunanan di yobida, for di october te cu januari.

Tamarijn

Un fruta zoet y zuur, cu tin un variedad di uzo y aplicacion tanto medicinal como culinario. Ta un mata cu hopi blachi berde, y un fruta cu ta desaroya den nan 'pods' caracteriza pa casca largo y bruin. Paden tin e pulpa jugoso, sticky, zoet, cual ta e fruta. E ta contene un nivel eleva di vitamina C, como tambe vitamina E, B, calcium, iron, phosphorous, potasium, manganese y fibra dietetico. E ta disponibel mas tanto den luna di maart.

Den nos edicion di mañan nos lo continua cu algun berdura local y su beneficiannan nutricional.

Accidente pa falta di no duna preferencia na crusada Lagoen

ORANJESTAD – Diahuebs atardi na Lagoen crusada di Zoutmanstraat a sosode un accidente entre dos auto pa falta di no a duna preferencia.

Chauffeur di un Kia Rio no a duna preferencia y a subi e caminda dal den un Hyundai basta duro. Debi na e impacto tabata tin dos ambulance

na e sitio un pa atende esun den e Hyundai y otro pa controla un otro persona. Polis di trafico y roadservise tabata presente pa atende cu e dalmento.



Antisocial a kibra vitrina di Sole

ORANJESTAD – Diaranson anochi, alarma di Sole den Caya Betico Croes a activa.

grandi, pero e ladronnan no por a drenta paden pa horta bril.

Ora patruya a acudi na e sitio, a constata cu antisocial a destrui e vitrina pa drenta pero no a logra. E daño tabata

Via camara di siguridad polis a logra mira e situacion completo pa entrega esaki na recherche.



Tres auto involvi den accidente fuerte na Paradera

ORANJESTAD – Diamars atardi riba e caminda di Paradera banda di e pompstation a keda registra un accidente fuerte entre tres auto pa falta di preferencia cu a laga por lo menos 4 persona herida y den nan un mucha.

Polis a yega di biaha pa cera caminda y tuma dato. Unidadnan di ambulance a presenta pa atende cu tur e victimanan y keda transporta pa hospital. Specialista di trafico y departamento forensico a yega pa haci nan investigacion. Falta di preferencia sigur a hunga un rol.



Departamento di Emergencia a trata 195 pashent fin di aña y aña nobo

ORANJESTAD – Departamento di Emergencia e ultimo dianan a atende un total di 195 pashent cuminsando desde 31 di december 2019 pa 12or di merdia te cu dia 2 di januari 2020 pa 6or di mainta.

E promedio pa loke ta e tempo di espera cuminsando for di ora cu a yega te bay cas of wordo interna tabata 1 ora y 53 minuut.

E edad di pashent cu a acudi na Departamento di Emergencia a varia entre baby pa 88 aña y di e 195 pashent un total di 27 a wordo admiti den Hospital.

Pa loke ta e incidentenan cu a pasa den nos comunidad a trata un total di 18 caso. E edad di pashent di e incidentenan fuera di lo comun a varia entre 3 aña pa 88 aña.

A atende 5 pashent cu a drenta pa via di un of otro maltrato.

A drenta 10 pa motibo di accident y tambe mester menciona cu tabatin 2 cu a drenta pa motibo di intoxicacion cu alcohol.

Tambe a yega un pashent cu intencion di suicidio.

Di tur e incidentenan aki, 8 pashent tabata grave y mester a wordo admiti den hospital.

Pa loke ta herido causa pa vuurwerk e aña aki a atende solamente 3 pashent di cual nan edad a varia di 21 pa 43 aña. Di e 3 victima di vuurwerk afortunadamente niun mucha y niun tabata di un gravedad halto pa ser admiti den Hospital.

Hunta Directiva, staf y personal di Hospital ta desea Aruba henter un prospero aña 2020 yena cu hopi salud y amor.

Turista a bolter cu utv den parke y keda herida

ORANJESTAD – Diahuebs merdia den Parke Arikok a keda registra un accidente cu utv unda turista a bolter y keda herida.

Total di dos persona herida,

ambulance y polis a yega na entrada y a keda dirigi pa e personal di parke pa e sitio.

A uza e vehiculonan di parke pa e personal di ambulance bay aden yega te na e acci-

dente. Asina a atende cu e victimanan y keda transporta te na entrada unda despues di rato a hiba e victimanan pa hospital pa haya atencion medico avansa.



Socialistanan Spaño cu sosten pa forma un gobierno



MADRID (AP) — A acerca e posibilidad di un gobierno nobo na Spaña ayera ora un partido chikito a bisa cu lo abstene den e proximo votonan di confiansa den parlamento. E decision di partido Catalan ERC ta elimina un obstaculo mayor pa es-

fuerso di Prome Minister interino, Pedro Sanchez, pa forma un gobierno di coalicion lidera pa Socialista despues di lunanan di retraso den e di cuater economia mas grandi di eurozone.

E socialistanan a logra e mayor cantidad di voto den dos eleccion general consecutivo aña pasa. Ambos biaha nan no a logra gana un mayoria den parlamento, nificando cu nan no por a gana un voto di confiansa cu ta rekeri pa asumi gobierno. E pais ta goberna pa gobierno encarga di Sanchez pa casi un año.

Partido Catalan ERC su

comite nacional a bisa den un declaracion cu a dicidi di abstene den votonan di confiansa spera durante weekend y diamars, nificando cu finalmente Sanchez por logra un victoria.

Despues di simannan di negociacion, Sanchez a sigura e sosten politico di e partido anti-austeridad Unidos Podemos, cual lo join e gobierno di coalicion como un partner junior, y di otro partidonan chikito.

Sigurando e abstencion di partido ERC, cu ta controla 13 di e 350 asiento den Congreso di Diputado Spaño, por ta suficiente pa Sanchez logra

e votonan cu e mester. No ta spera cu e lo logra e mayoria absoluto di 176 voto den e prome ronda diadomingo. Pero abstencion di ERC ta nifica cu e socialistanan por haya e mayoria simpel rekeri – mas voto na favor cu en contra – den un di dos voto diamars.

Sinembargo, Comision Nacional Electoral mester dicidi pronto si lider di ERC, Oriol Junqueras actualmente den prizon pa su rol den actividadnan separatista Catalan, por asumi su asiento den Parlamento Europeo. E decision por ta un bom politico pa ERC.

Inundacion na Jakarta

INDONESIA (BBC) – Casi 21 persona a fayece pa motibo di inundacion na e capital di Indonesia, Jakarta, despues di e awasero di mas intenso den casi 24 año.

Agencia di meteorologia, climatologia y geofisica (BMKG) a midi 377mm di awasero den un dia na aeropuerto di Jakarta. Esey ta cantidad di awa mas grandi cu a cay den un solo dia for di 1996 cu a cuminsa cu e registro di agencia.

“E awasero a cuminsa cay na bispo di aña nobo, no ta un awasero normal”, segun e agencia. E agencia a bisa cu intensidad di awasero ta bin despues di varios factor, manera un gran cantidad di vapor di awa den aire.

Tin casi 62.000 persona cu a evacua pafo di e ciudad. Algun persona a pasa anochi riba dak di nan edificio wardando pa team di rescate. Ta spera cu awasero fuerte lo sigui te cu fin di siman.

E awasero intenso a cuminsa

na bispo di aña nobo y a sigui durante anochi, lagando varios parti di e ciudad bou awa y ocasionando derumbe banda di seronan. Algun victima tabata den edad di 8 pa 82 año. Algun a muri pa hipotermia, otro a hoga of a ser lastra pa tera. Un mucha di 16 año a muri electrocuta.

A desconecta electricidad na varios distrito Yakarta como medida di precaucion y algun linea di trein tambe ta cera. Riba Twitter, presidente Joko Widodo a culpa e atraso di un proyecto di infraestructura di



control di inundacion pa e gravedad di e daño.

Jakarta ta un di e ciudadnan

cu ta sink mas lihe na mundo. Expertonan ta bisa cu e por ta sumergi pa año 2050.

Bestia haya morto na un zoologico



ALEMANIA (Dailymail) – Decenas di animal, incluyendo macaco, vleermuis y parha a ser kima bibo despues cu un candela a destrui e area di macaco na un zoologico Aleman den prome minuutnan di 2020.

Polis ta bisa cu e candela na Krefeld zoo na Alemania nort occidental probablemente a ser causa pa lampi Chines di shelo, lansa pa celebra aña nobo.

E yamada a dreña 12:38 am. Varios testigo a informa cu a mira lampi cilindrico cu candela chikito den nan ta bula na laira cerca di zoologico, Gerd Hoppmann, Hefe di Polis Criminal di e ciudad a bisa. Tres di e basket cu papel di deseo di aña nobo a wordo haya den e restonan cayente. Polis a cuminsa un investigacion pa motibo di ‘candela negligente criminal’ y ta spera di establece e ruta cu e lampinan a core door di analisa condicion atmosferico y direccion di biento.

E zoologico cerca di frontera di Hulanda a bisa cu henter e cas di macaco tabata na candela y 30 bestia a fayece, incluyendo cinco orangutan, un chimpanse, varios macaco y un gorila di 48 año di edad yama Masa, como tambe vleermuis y parha.

Bombero a logra rescata unicamente dos chimpanse cu tabata na candela. Nan a sufri kemadura pero ta den un condicion stabiel, Director di Zoologico Wolfgang Dressen a bisa.



Wayaca 45, Oranjestad Aruba
Tel: 297 523 7900



DANKI

PA E CONFIANSA DURANTE 2019.

NOS TA DESEA TUR NOS CLIENTENAN,
COLEGANAN Y PUEBLO DI ARUBA UN
BON AÑA 2020.



Opaal #50, 3316 LE Dordrecht
Nederland
Phone: 31 78 631-1877
Fax: 31 65 360-7277
www.allwaystransport.nl



2351 NW 121 st Court, Suite #115
Miami, Florida 33182
Phone: 305 591-8882
www.cargoic.com



Free Trade Zone #61 Road 165 KM 2.4 Bldg #15
Guaynabo, Puerto Rico 00965
Tel: 787 430 1977
ipmwarehousing@gmail.com

Prome baby di aña 2020 ta Evangeline Kate Caceres



ORANJESTAD – Den un forma inusual, Dr. Horacio E. Oduber Hospital a informa di nacemento di e prome baby di aña 2020.

Inicialmente, nos redaccion a ricibi un email den cual a pidi pa keda pendiente informacion pa bin cera conoci cu baby di aña. Mas aleu, a

manda otro email bisando cu e baby no a nace ainda, y cu lo duna mas informacion despues. Sinembargo, na final a manda un comunicado

simpel y sin potret.

Castillo Ortiz.”

“Durante e prome dia di aña 2020 a nace dos mucha muhe”, HOH a bisa den un comunicado. “E prome baby di aña 2020 a nace 1:24 di merdia na Dr. Horacio E. Oduber Hospital y a haya e number Evangeline Kate Caceres. Baby Evangeline ta e e di dos yiu di Jullye Caceres y su tata ta Miguelito Geerman. Evangeline tin un peso di 3240 gram y un largura di 45 cm. Baby Evangeline a nace cu un sectio di emergencia . E mama no a spera e baby nace asina pronto door cu e tabata di nace dia 18 di januari 2020. E parto tabata poco complica, pues e baby ta den couveuse pero e ta stabiel. E famia ta masha orguyoso di por habri e prome dia di aña 2020 cu un miembro nobo den famia.

E di dos baby tambe ta un mucha muhe y a nace 2.27 di atardi. Su number ta Miqueas

Manera ta custumber, pueblo tabata spera di mira potret di e mama y baby di aña. Sinembargo, esaki no tabata posibel y no a ricibi ningun detaye – maske por asumi ta debi na e condicion prematuro di e baby – pakico e famia no a muestra un potret.

“E ultimo dia di aña 2019 a nace un total di 2 baby di cual tur dos tabata mucha homber. Un danki grandi ta bay na dr. Garcia, zuster Zavala, zuster Arends-Dirksz, zuster Cabenda y zuster Camara na departamento di Maternidad. Tambe nos ta gradici e sponsor Johnson & Johnson di Manrique Capriles, pa e regalo bunita pa a mama y baby di aña. E miho deseonan pa tur baby y nan famia di parti di departamento di Maternidad y tur otro coleganan na Hospital”, e comunicado di hospital ta finalisa.

Grandinan ta habri aña cu grupo tipico di Dande

ORANJESTAD – Den es- piritu di habri aña nobo, dos cas di cuida a ricibi bishita di grupo tipico di Dande pa bendiciona inicio di aña 2020.

mainta na Paviljoen cu Rey di Dande Johnatan Croes y Robert Maduro cu su Alma Folclorico y a sigui merdia na Maristella y SABA cu Tipico di Antanjo di Mario Kelly y Famia Kelly.

Mike Eman, ex- prome minister y lider di partido AVP, a realisa un bishita pa desea nos grandinan miho deseonan pa 2020. A inicia

Riba e potretnan por mira un bista fotografico di e celebra- cion.



Fundacionnan local ta colabora den rescate di cacho

ORANJESTAD – Un auto a dal un cacho, y na luga di asumi su responsabilidad, e chauffeur a core bay. Aki e fundacionnan Nine Lives y Crijajo Trappers a colabora pa atende cu e animal.

Geraldine y Jhon a mira e suceso y a sigui e cacho, mientras a yama Crijajo Trappers. Hunto nan a logra trapa e cacho. Andreina di Animal Care Clinic a ofrece su ayudo, pues a transporta e cacho.

A resulta cu e auto a dal e cacho riba su cabes, cu su wowo tabata mustra straño, su lenga tabatin corta, y a herida su pata. Sinembargo, danki na cooperacion boluntario di fundacionnan y veterinario local, e cacho aki a ricibi asistencia cu e tabatin mester.



Atencion di periodista internacional pa plastic riba beach na Aruba

ORANJESTAD – Riba pagina di Facebook di Plastic Beach Party – un plataforma di reciclahe di plastic local – a comparti un post riba Twitter di e periodista Mericano, Shannon Sims, kende a comparti un video den cual ta mustra un beach den Parke Arikok yen di plastic.

Sims a post riba su Twitter:

“Resolucion pa aña 2020: Despues di hike den un parke nacional na Aruba, mi a haya e beach aki. Plastic tabata lora for di lama, acumulando maske e park rangers ta haci limpi frecuentemente. Nos no por sigui haci esaki cu nos planeta! Mi meta pa 2020: uza menos plastic posibel.” Riba e video adhunto por mira cantidad di plastic ta sali for di e beach y cubri e santo.



Michael van Gerwen ta perde su titulo mundial di PDC



LONDON (BBC) – Peter Wright di Escocia a logra su prome titulo di Campeonato Mundial PDC cu un victoria 7-3 contra campeón di 2019, Michael van Gerwen na Alexandra Palace.

Wright, di 49 año di edad, a perde 7-4 contra Van Gerwen den final di 2014 y anteriormente a perde 10 di su 11 final mayor. Pero el a logra un bentaha 2-0 y cu e triplel campeón perdiendo doubles, a construi un bentaha 6-3.

No. 7 seed Wright, kende a sobrevivi un sudden-death shootout den segundo ronda, ta e di dos hungado mas bieu di e evento. Phil Taylor a gana e ultimo di su 16 titulo mundial cu 53 año di edad na 2013.

Van Gerwen tabatin un averahe un tiki mas halto cu Wright – 102.88 contra 102.79 – pero a logra apenas 40% di

su doubles contra 53% di e campeón.

Den su di cinco final mundial y buscando su di tres titulo den e ultimo cuatro año, Van Gerwen, un Hulandes di 30 año di edad, tabata mirando un di 60 victoria den su di 79 encuentro cu Wright, y un di ocho victoria mayor final consecutivo contra e Escoces.

Van Gerwen a lamenta: “Claro cu mi ta hopi decepciona. Tur cu mi a perde el a tuma, su final tabata fenomenal y mi por unicamente culpa mi mes. Mi tabatin seis dart pa break throw den di cinco set y si bo no tuma e chensnan asina contra un oponente manera Peter Wright, bo no ta gana, asina simpel.”

Van Gerwen ta firma contract cu Winmau Darts

Terminando tur speculation si e lo join Winmau Darts,

Michael van Gerwen a firma un deal di fabricante di dart. Van Gerwen lo join e compania pa cinco año despues di bandona XQ Max Darts siman pasa.

A anuncia ‘Mighty Mike’ na un lansamento na Principality Stadium na Cardiff apenas menos di 24 ora despues cu el a perde e final di campeonato mundial PDC contra Wright. E lo uza e dart recien diseña cu lo revela den proximo dianan despues di uza e mesun set conoci durante ultimo ocho año.

Ademas e territorio ta nifica un camisa nobo tambe, cu lo continua cu e colornan conoci berde y preto. Awo e ta join Daryl Gurney, Steve Beaton, Paul Nicholson, Mark Webster y Scott Mitchell na e compania. Winmau ta un compania vanguardista pa mas di 70 año y awo a join un di e nombrenan elite den dart.



Pitcher di Yankees suspendi 81 wega pa violencia domestico

NEW YORK (AP) — Pitcher di Yankees, Domingo German lo perde e prome 63 wega di temporada 2020 como parti di un suspension di 81 wega pa viola e politica di violencia domestico di Major League Baseball.

E liga a anuncia e suspension ayera. German a bay di acurdo pa no apela.

A pone German bou suspension administrativo dia 19 di september mientras MLB a investiga un supuesto incidente di violencia domestico involucrando su pareha, cu ken e tin sikiera un yiu. El a perde e ultimo nueve wega di e temporada regular 2019 y tur nueve di e weganan post-temporada di New York.

E tabata e pitcher mas ganado

di Yankees ultimo temporada, bayendo 18-4 cu 4.03 ERA den 24 cuminsamento y tres reemplazo. E pelotero di 27 año di edad tabatin un salario di \$577mil, pero no lo ricibi pago pa e tempo cu el a perde durante suspension. Ta spera cu e lo ricibi un salario similar pa 2020 pero atrobe no lo ricibi pago durante suspension.

Sin mas incidente, German lo ta eligibel pa bolbe dia 5 di juni contra Tampa Bay.

Yankees a bisa den un declaracion cu nan ‘ta keda fuerte den nos sosten’ di e proceso di MLB pa cu investigacion y disciplina di German. “Nos ta alenta pa e aceptacion di Domingo di su disciplina, y sinceramente nos ta spera esaki ta indica un compromiso pa haci cambianan positivo y

significante den su conducta personal”, e team a bisa.

German lo participa den un programa di tratamiento y tambe lo duna un contribucion na Sanctuary for Families, un grupo sin fin di lucro basa na New York cu ta yuda victimanan di violencia domestico.

E suspension di German ta esun di mas largo otorga pa MLB bou su politica di violencia domestico pa un hungado kende no a ricibi cargo formal.

New York ta preparando pa bay sin German pa mayor parti di 2020. E club a contrata Gerrit Cole cu un contract di \$324 milyon pa nueve año luna pasa, e deal mas grandi den historia pa un pitcher. Cole ta spera di sigui den rotacion cu James Paxton y



Masahiro Tanaka y Luis Severino, cu J.A. Happ y Jordan Montgomery tambe disponibles.

E suspension lo retrasa eligibilidad di German pa agencia liber for di despues di

2023 na despues di 2024. Si e bolbe dia 5 di juni y keda den roster di big league pa resto di e temporada, ainda e lo ta probablemente eligibel pa arbitrahe di salario despues di 2020.

Liverpool ta derota Sheffield 2-0 extendiendo racha invicto

LIVERPOOL, Inglatera (AP) — Mohamed Salah a anota un gol y set up e otro



ayera, mientras Liverpool a extende su racha invicto den Premier League na un año completo, cu un victoria 2-0 contra Sheffield United, restaurando su bentaha di 13 punto.

Salah a habri e anotacion den di cuater minuut terminando un atake rapido, y despues a intercambia pase cu Sadio

Mane pa set up su compañero di team pa e di dos gol den minuut 64.

Liverpool no a perde un wega di liga den 364 dia desde un derota contra Manchester City cu a demostra di ta crucial den e campaña pa e titulo año pasa, ora team di Jurgen Klopp a termina un punto atras na di dos luga.

Pero un prome titulo di liga den 30 año ta mustando inevitabel pa Liverpool e año aki, despues di 19 victoria den 20 wega te awo. Leicester ta 13 punto atras na di dos luga, pero Liverpool tambe tin un wega dilanti di nan rival. Su proximo wega di liga ta na Tottenham dia 11 di januari. Cu e wega gana, Klopp hasta tabatin e luho di duna Harvey

Elliott, di 16 año di edad, su debut den Premier League cu e club – maske a yega asina laat cu e no a ni toca e bala.

E unico negativo pa Liverpool tabata Naby Keita, kende a sufri un lesion durante warm-up, reduciendo opcionnan di Klopp mas ainda pa e derby di FA Cup contra Everton.

Ex-comisionado di NBA, David Stern ta fayece

NEW YORK (AP) — David Stern, kende a pasa 30 aña como e comisionado cu servicio mas largo y un di e mihonan den historia di sport, a fayece diaranson. E tabatin 77 aña di edad.

“Sin David Stern, NBA no lo ta locual e ta awe”, Michael Jordan a bisa. “El a guia e liga a traves di temponan turbulento y a crece e liga den un fenomeno internacional, creando oportunidadnan cu poco hende a imagina prome.”

Stern a sufri un hemorragia cerebral dia 12 di december y a ricibi cirugia di emergencia. E liga a bisa cu el a muri cu su esposa Dianne y nan famia su banda.

“Henter comunidad di basketball su curason a kibra”, Asociacion Nacional di Hungadonan di Basketball a bisa. “David Stern a gana y merece inclusion den nos tera di gigante.”

Stern tabata involucra cu NBA pa casi dos decada prome cu el a bira su di cuater comisionado dia 1 di februari 1984. Pa e tempo cu el a abandona su posicion na 2014 – e no lo bisa ni laga staf di e liga bisa ‘retira’ pasobra e nunca a stop di traha – un liga cu a lucha pa para riba su pia prome

cune a crece pa converti den un industria generando mas di \$5 biyon pa aña, y a haci basketball di NBA posiblemente e sport mas popular despues di futbol.

Delantero di Lakers, LeBron James, a bisa: “Nos a perde un gran visionario. E y Dr. James Naismith ta dos di e hende mas importante pa basketball. Naismith pasobra el a inventa e wega, y David pa su vision, su vision pa haci e wega aki global.”

Prosperando riba bon debate den boardroom y bon wega riba e cancha, Stern lo bisa cu un di su logronan mas grandi tabata pa guia un liga di hungadonan mayormente color scur cu tabata plaga cu problema di droga den añanan 1970 na popularidad Mericano. E tabatin participacion den casi tur iniciativa pa esaki, for di programa di test di droga te cu implementacion di cap di salario, te cu creacion di un codigo di bistimento.

Pero pa Stern, tabata trata di ‘e wega’, y su maintanan tabata inclui lesa di e resultadonan di e dia anterior den corant – hasta despues cu avancenan tecnologico cu el a aborda a haci lesa NBA.com mas facil cu nunca.

“Semper ta trata di e wega y tur locual nos haci ta crea un

escenario of presentacion di e wega mas fuerte”, el a bisa na vispera di temporada 2009-10, yamando esaki un ‘era di oro’ pa NBA. Un era crea en gran parti pa Stern durante un campaña di tres decada cu a converti cantidad di hungadonan den celebridadnan conoci rond mundo pa un number: Magic, Michael, Kobe, LeBron, pa nombra algun.

“No tin palabra cu por expresa e impacto amplio di briyo, vision, husticia y trabou duro di Comisionado Stern durante tanto aña”, strea di basketball Larry Bird a bisa. “Ora bo pensa riba tur su logronan mundial den number di miles di hungado, fanatico, tur e trabounan cu el a crea pa empleadonan di team y arena y tur hende cu a beneficia di e cantidad di capa di crecemento den e deporte y industria cu David a lidera y despues pasa na otronan, no tin duda cu Comisionado Stern a eleva NBA na nivelnan mas halto y nos tur lo haya su falta.”

Despues d laga su oficina den e liga, Stern a keda ocupa bi-ahando den number di NBA, dunando charla publico y consultando pa varios compania. El a drenta den Naismith Memorial Basketball Hall of Fame na 2014.

Stern y su esposa tabatin dos yiu homber, Andrew y Eric.



Coach di Venezuela, Dudamel ta renuncia citando problema cu ehecutivo

CARACAS (AP) — Coach di Venezuela, Rafael Dudamel a renuncia ayera, citando un problema cu

ehecutivonan di e federacion di futbol di e pais.

Dudamel a bisa cu e prob-

lema lo afecta preparacion di e team pa campaña di clasificacion pa Mundial 2022, cual ta cuminsa na maart.

“Mi ta kere esaki ta lo miho pa e team nacional. Mi relacion cu management a deteriora rapidamente den tempo recien, y tabata hopi complica pa continua den e condicionnan actual”, Dudamel a bisa.

Dudamel, di 46 aña di edad, a anuncia su decision riba Twitter. E coach, kende tambe a hunga pa Venezuela como portero, a asumi e posicion na 2016.

Venezuela ta e unico team Sur Americano cu nunca a hunga na un Mundial.

Cabesante di federacion di futbol Venezolano, Laureano Gonzalez, a responde na e retiro bisando: “Nos no mester duna opinion riba su decision personal. Al contrario, nos ta reconece cu el a cumpli su obligacion deportivo dentro

di e expectativa.”

Venezuela a alcanza di 25 luga den rango di FIFA na november, esun mas halto den su historia. Aña pasa e Vinotinto, manera e team ta conoci, a vence Argentina di Messi 3-1 den un amistoso. Tambe a derota Hapon 4-1.

Dudamel tambe a bisa cu ‘un coach nobo lo por ricibi e condicionnan laboral’ cu e no a ricibi den e posicion. “Bo tin talento pa yega Mundial y ami lo ta e prome pa aplaudi for di leu”, Dudamel a bisa su ex-hungadonan.

Durante su cargo, Dudamel tambe tabatin algun problema cu su hungadonan, incluyendo delantero di Atlanta United, Josef Martinez, kende a nenga di hunga pa Venezuela tanten cu e coach tin e posicion.





Randolph Oduber representante di baseball di Comision di Atletas WBSC

(wbsc.org) – **Randolph Oduber di Aruba ta e representante nobo di baseball masculino den WBSC Athletes Commission, mientras cu Bruno Motroni di Argentina ta e miembro nobo di softball femenino.**

Comision di Atletas di WBSC (World Baseball Softball Confederation) – pa duna conseho na asuntonan relevante di baseball y softball – recientemente a completa eleccion y awo, cu un complemento full di miembro, ta cla pa yuda globalisa baseball, softball y baseball5, y sigura cu atletanan rond mundo hunga nan rol den e proceso, specialmente cu un año Olimpico emocionante nos dilanti.

“Mi ta anticipa pa e Comision di Atletas hunga un rol clave den 2020, un año Olimpico”, Maria Soto, co-presidente di e comision, a bisa. “Mi ta kere nos por traha hunto y yuda e reinstitucion di baseball y softball den programa Olimpico permanentemente.”

Ricardo Fraccari, presidente di WBSC, a tweet un potret cu Oduber, Soto y Motroni cu e leyenda ‘combersando cu nos atletanan representante Maria, Bruno, Randolph’.

E miembronan ademas di Soto (Venezuela; softball

femenino) y Justin Huber (Australia; baseball masculino) kende tambe ta miembro di hunta ehecutivo di WBSC, e otro miembronan di comision di atleta ta Ashley Stephenson (Canada; Women's Baseball), Erika Polidori (Canada; Women's Softball), Pauline Prade (Francia; Softball femenino), Bruno Motroni (Argentina; Softball masculino) and Randolph Oduber (Hulanda; baseball masculino).

Eleccion di Oduber como representante di baseball masculino, cual a tuma luga durante Premier 12 di ultimo luna, a completa e Comision di Atletas. Un nativo di Aruba, Oduber ta outfielder kende a pasa seis temporada den organizacion di Washington Nationals, a hunga den Hoofdklasse Hulandes pa Neptunus Rotterdam, y actualmente ta riba roster di Lincoln Saltdogs di e independiente American Association.

Na juni, Motroni – catcher y capitán di team pa Argentina pa campeonato mundial – a ser elegi como representante di softball masculino durante e campeonato mundial WBSC masculino di softball na Republica Checo. Ambos miembro tabata hunto cu Soto na e Congreso y reunion di Hunta Ehecutivo di WBSC luna pasa.



Aruba campeon U11 Disney Tournament

ORANJESTAD (297sports) – Recientemente un ekipo di baseball di Aruba a biaha pa Orlando, Florida unda nan a resulta campeon di un torneo di baseball U-11.

Mester bisa cu nos muchanan a hunga un tremendo torneo y a sa na logra triunfa cu e trofeo di campeon. Den e gran final Aruba Rocks U11 ta gana e ekipo di Callahan cu e score di 3 - 0. E picheo tabata formidabel tirando 10 ponche mientras nos a bati 6 hit compara cu 3 hit di Callahan.

Un pabien sigur nan e ekipo di Aruba Rocks U11 cu nan titulo di campeon den e Disney Tournament na Orlando, Florida Potret di 297sports.



Melvin Tromp di Partido AVP

‘Gobierno ta strooi santo den wowo di pueblo pa introduci mas medida’

ORANJESTAD – Gabinete Wever-Croes a mal uza confiansa di pueblo pa yega na poder, a mal informa pueblo pa logra esaki y ora cu a forma gobierno, pueblo a wordo castiga den un forma cu nunca a spera.

Miembro di partido AVP, sr Melvin Tromp a muestra cu pa aña nobo, pueblo tin cu prepara su mes pa otro serie di medida, caminda e siguiente etapa di reforma fiscal lo drenta na vigor y cu ora esaki tuma luga, pueblo lo mira su poder di compra sigui disminui.

“Aruba pa dos aña caba a conoce un gobierno cu no tin interes di pueblo na pecho, cu no ta trahando pa pone e hende central, al contrario e unico caminda cu e hende ta central pa gabinete Wever-Croes, ta den e pakete di medida cu ta sigui wordo introduci.

Prome Minister Evelyn Wever-Croes a declara recientemente cu pa su gobierno ta miho CITGO bay mas pronto posibel for di Aruba, e mesun lider di MEP cu a elogia su primo Glenbert Croes cu el a logra reapertura di e refineria.

E mesun lider di MEP cu a para na porta di e refineria y hasta yama un plasa eynan na plasa Cero, ya cu si tin un solo porciento pa habri e refineria, esaki tin cu tuma luga pero desde cu el a bira Prome Minister, Evelyn no a presenta ningun solucion pa e proceso aki, no a presente ningun compania di tanto cu el a papia cu nan cu lo ta interesa y awor kier pa e refineria bay.

Aki pueblo por mira un bi-aha mas con e tin un Prome Minister cu ta traha pa famia y amigo, pa sponsornan ya cu tin hopi interes priva ta hunga un rol den e henter e desaroyo rond di e refineria y e ta dunando indicacion cu e kier sirbi e interes di e hendenan aki y no interes di pueblo.

Ta masha fanfaria Prome Minister a anuncia decisionnan riba e cobranza di loonbelasting y otro tipo di incentivanan cu su gobierno a introduci na interes di esunnan di menos entrada pero aki ta otro maniobra mas pa manipula opinion di pueblo cu despues ta wordo castiga.

E decisionnan aki no ta na nivel di e medidanan cu su gobierno a introduci y lo

sigui introduci den simannan nos dilanti, ya cu mientras cu e ta duna 10 florin cu su decision tuma, di otro banda e lo ranca entre 50 pa 100 florin for di mesun ciudadano aki cu mas medidanan cu ta na caminda.

Den tur barío, den tur sector di comunidad por mira e efecto negativo di un maneho abusivo y sin piedad di gabinete Wever-Croes, cu no tin compasion cu pueblo, e mesun pueblo cu el a priminti di lo sirbi.

Nunca pueblo a conoce e gasolin mas barata priminti pa actual Minister Glenbert Croes, tampoco reduccion di prijs di awa y coriente ya cu loke a tuma luga recientemente, ta cu gobierno a duna pueblo dos florin bek, despues di a ranca 20 florin for di su cartera.

Pa pueblo no tin nada positivo, no tin ningun proyecto na caminda, gobierno no tin inversion pa haci y for di sector comercial ya caba tin indicacion cu no tin mucho interes pa inverti den proyectonan bou mando di e gobierno actual.

Mientras cu continuamente gabinete Wever-Croes ta pa-



pia di debe nacional, un minister kier a bin c’un proyecto cu lo costa pueblo casi 500 miyon florin pa Serlimar, loke tambe lo aporta na e debe nacional pero diripiente esaki ya no ta problema.

Tin desaroyonan sumamente preocupante y tur cos ta in-

dica cu mey mey di e luna di Januari aki, Gabinete di Ministernan di Reino lo duna gabinete Wever-Croes un ‘aanwijzing’ ya cu simplemente Evelyn y Xiomara no por tene nan mes na palabracionnan haci cu tanto CFT como Gobierno di Reino,” Tromp a declara.

Parlamentario Endy Croes (MEP):

‘Indicadornan ta muestra cu Aruba lo bay tin un aña fructifero’

ORANJESTAD – Parlamentario Endy Croes deseando henter pueblo un biaha mas un feliz entrada di 2020. Nos a yama ayo na aña 2019, un aña cu tabata tin hopi reto. No obstante tur e retonan por a tuma nota di un gobierno cu Ministernan cu curashi. Si nos analisa e reto di mas grandi, cual ta e reto financiero, por tuma nota

cu a lora manga di camisa y a traha pa logra metanan comprometi cu Hulanda pa rescata nos pais.

Sigur no ta un reto facil despues di a hereda un crisis y un desaster financiero for di man di Mike Eman y AVP.

Con Mike Eman a laga Aruba

Eman a presta den 8 aña 2200

miyon florin cual ta igual na 2.2 Biyon florin. Banda di esaki Mike a redobla e interes riba placa presta. Den 2019 mester a paga 232 miyon florin solamente na interes. Banda di esaki un otro 80.9 miyon florin na proyectonan PPP cual nos mester paga pa 20 aña largo te na 2039. Den tur e tempestad aki cu hopi curashi a logra bin cu un maneho financiero sostenibel. A logra baha e deficit di Eman y AVP den 5 aña di 444 miyon florin pa solamente 4 miyon florin na 2019. Pa 2020 Aruba lo alcanza un Surplus di 25 miyon pa prome biaha den 11 aña. E ultimo surplus tabata bou di maneho di MEP na 2008. Dunando un ehemplo con a corta gasto: Eman tabata tin 400 coordinador di cual 147 ta emplea directamente den su oficina costando pueblo 11.3 miyon pa aña. Evelyn Wever-Croes sin embargo a corta esaki di 147 empleado den oficina

di Prome Minister pa solamente 21 cu un costo di 2.5 miyon. Pues un rebaho di 8.8 miyon pa aña solamente den un oficina cual ta igual na un rebaho di 78%. Asina tin hopi ehemplo mas unda por muestra pueblo e sacrificio cu mester a haci pa logra finalmente den 2019 un deficit di solamente 4 miyon florin.

Indicadornan ta muestra positivo den 2020

Den aña 2019 a pesar di e retonan a logra aumenta salario minimo, aumenta pensioen pa soltero y pareha, reduci desempleo y reduci prijs di coriente cu 10% pa pueblo, 9% pa fundacion, misa y schoolnan y 7% pa comercio. Tur a drenta na vigor entrante 1 di januari 2020. Alabes e reforma fiscal a trece alivio pa e grupo mas grandi y esunnan mas vulnerabel. Banda di esaki a reduci belasting riba dividendo di 25% pa 10% y lo mantene e reduccion aki den

2020. A logra pone prome piedra pa un hotel na San Nicolas, esta Secrets Hotel y lo desaroya Baby Beach. San Nicolas den añanan nos dilanti lo bay conoce un cambio grandi. Durante aña 2020 FCCA lo construi 200 cas y asina atende cu e scarsedad di cas pa pueblo. Indicadornan ta muestra cu señalnan ta sumamente positivo y inversionistanan poco poco ta ganando e confiansa bek. Gobierno lo sigui stimula hobennan entrepreneur y lo sigui enfoca pa reduci mas ainda e desempleo den 2020.

Croes ta pidi tur cu ta biba riba e baranca aki “hunto” nos por logra mas. Ban scoge e caminda di “0” polarizacion y ban pa e caminda di dialogo y comprension y asina duna bo contribucion pa pone Aruba den poco aña bek riba pia. Tur cu tur nos ta bay tin un bon aña 2020.



Parlamentario Mike de Meza (AVP):

‘Prome Minister cu NO ta interesa den cumpli cu su promesanan electoral’

ORANJESTAD – Aruba a habri un año nobo na merced di un Prome Minister y su gobierno, cu no ta interesa den bienestar general di su pueblo, caminda e hende sigur no ta central, algo cu pa dos año largo el e demostra repetidamente.

Miembro di fraccion di AVP, Mike de Meza ta señala cu na ciere di año 2019, na momento cu tur pero tur ciudadano, tata y mama di famia ta spera noticianan positivo, sperando cosnan bon pa bin den 2020, Evelyn Wever-Croes ta demostra kende realmente e ta como hende y ki sorto di

lider un pais e ta.

“Ya caba pueblo a sinti e insinceridad di e Prome Minister, un hende cu hunto cu su partido a drenta casnan rond di Aruba durante di campaña, a sigura pueblo cu nan lo drecha e situacion financiero y tur otro problema di e pais, SIN cu e tin cu tuma medida pasobra e conoce e materia y e a studia e materia. Tambe Evelyn a bende su mes como un persona cu tabatin solucion pa tur cos, e lo a percura pa alivia tur problemanan y retonan den pueblo pero ni dos luna na manda, el a traiciona tur cu a vota pe, su partido y pueblo en general

presentando un pakete di medida caminda e la aumenta BBO cu 75% y hisa accijns cu 16% riba gasolin y diesel cu a causa hopi problema den tur cas rond Aruba. Awor el a pone otro medida riba lomba di pueblo cu un aumento di 46% riba diviezen provisie cu lo afecta prijs di TUR producto y servicio na Aruba. Esaki contrario na promesa cu lo NO a bin cu medida durante su gobernacion y tambe cu SI lo a baha e prijs di awa cu coriente cu 50%. Tambe cu SI lo a baha e prijs di gasolin y diesel cu 50% y SI lo baha edad di pensioen bek na 60 año!

Pero te dia di awe pueblo no por mira nada di e promesanan di Evelyn.

Su engaño electoral na pueblo no a caba eyan, ya cu ainda Wever-Croes cu su gobierno ta sigui impone medida riba pueblo y ta sigui trata di ranca entre 250 pa 300 miyon for di cartera di henter pueblo, pa asina e por cubri su e gobierno actual su incapacidad pa goberna y cubri aumento di gastonan innecesario cu ta beneficia y sirbi solamente e interes di ‘friends and family’ y NO di pueblo.

Ta tristo pa scucha ora cu pueblo di Aruba tabata pasando ultimo dianan di 2019, sperando riba noticianan positivo cu speransa cu gobierno lo cambia y stop abuso contra pueblo, Prome Minister ta anuncia cu pa su partido CITGO por bay pa caba for di Aruba.

E mesun Prome Minister aki cu a priminti cu su gobierno lo bay ta integro, ta bolbe traiciona un grupo grandi di trahadonan den e refineria na San Nicolas, caminda sin ningun tipo di remordimiento, ta bisa cu e refineria tin cu bay pa caba mescos cu lider anterior sr Nel Oduber di MEP a bisa Valero den 2007/2008 ora a introduci BBO riba exportacion pa refineria y cu na 2009 Valero a stop su operacion di refineria y a manda tur contratista cas y pa cera operacion di refineria completo!

Ningun palabra di sosten pa e trahadonan cu lo wordo manda cas, ningun tipo di un vision caminda e gobierno actual lo a muestra pa promebes cu e tin interes di e trahadonan y di e pais na pecho. Aki Aruba a bolbe conoce e engaño di su Prome Minister, kende semper ta papia cu su gobierno tin e “hende” central den su maneho, cu e ta lucha pa interes di e ‘hende’, pero sin ningun tipo di convivencia, ta manda CITGO bay pa caba y laga tur e trahadonan aki cu nan famia pa nan cuenta. E arte di politica ta pa sinta na mesa y buska solucion cu ta sirbi interes general, pero e gobierno actual lidera pa Evelyn ta kere den e arte di politica di ‘bully’ pa nan por yega na solucion pa sirbi interes personal!

Increibel con un Prome Minister di un pais, por dem-

ostra un falta di interes asina den e ser humano, un falta di interes den economia di su pais, caminda despues di dos año sin cu el a haci un solo esfuerzo pa percura cu e proyecto di reapertura di e refineria wordo sigura, awor ta bin dilanti y bisa un disparate asina!

Sinembargo loke Wever-Croes, a haci cu e declaracion aki, ta bolbe demostra na pueblo cu partido MEP despues di Betico Croes, nunca a conta c’un lider cu a traha na interes di e digno pueblo di Aruba.

E negativismo y e rabia contra nos pueblo di San Nicolas, semper a wordo demostra tanto pa Evelyn y tambe pa e ex lider di MEP y ex Prome Minister, Nelson Oduber, kende tambe den pasado a haci mesun cos, ora cu bou di otro gobierno di MEP, a cera e refineria.

Na 2009 tabata Nelson Oduber como lider di MEP y como Prome Minister, a bisa e ehecutivo di Valero, sr Bill Klessy pa e pone e refineria riba su lomba y bay cune for di Aruba.

Exactamente 10 año despues di e declaracion aki di Nel, otro lider di MEP y Prome Minister di nos pais, ta bin dilanti y bisa sin ningun tipo di compasion cu trahadonan di e refineria, cu ta miho pa CTIGO cera mas pronto posible y nan bay for di Aruba.

Esaki ta e lidernan cu no tin interes di pueblo na pecho, cu no tin interes di San Nicolas na pecho y ta hendenan cu semper a traha pa sirbi interes di famia, amigonan y di sponsornan.

No ta di awo ta conoci cu tin diferente grupo ta tras di e baymento di e refineria di Aruba y e hecho cu nunca pero nunca Prome Minister a haci e minimo esfuerzo pa sigui cu e proyecto aki, ta confirma practicamente cu e ta sirbiendo den cierto sentido, interes di algun grupo cu kier e tereno y otro ‘assessment’ di e refineria aki.

Wever-Croes nunca tabata sincero cu pueblo di Aruba, cu e clase trahado y el a demostra cu pa 2020 esaki lo no cambia y pueblo lo sigui haya su mes confronta c’un perdida di compra y aumento di su problemanan social y financiero,” DSe Meza a muestra.





Señor ta mi wardador mi ñ tin falta di nada. Den cunucu yen di yerba berde, e ta ponemi sosega E ta hibami na fuente awa fresco pa mi bolbe haña forza
Salmo 23

A fayece cristianamente

Pedro Danje

Mihor conoci como **Padu of Mope**
*10 augustus 1944 - + 25 december 2019

Na number di su casa stima Wencita (Chita) Danje-Donata

Yiunan: +Jaqueline Danje
Geraldine Danje

Ruman:
Federico y Nena Danje y Famia

Nietonan: Jean Marc Dirks
Igmard Maduro y Jennifer

Su suegroman stima: Juan Dirks
Ronny Tromp

Cuñia: Sra Vda. Diana Danje-Ruiz y famia
Swa: Serapio Donata

Amigonan di Cas:
Lucia y Jachi Maduro
Fay Koolman
Cheppy Y Mena Kelly
Bibiano Croes y Famia
Ceferino Gomes
Calito Gomes
Elvis y Charlise

Su bisñanan: Lino y Mireya
Dolorita y Famia
Juni y Melina
Mena Boekhoudt y famia

Primo y primanan, subrino y subrinanan y demas famia cu ta mucho pa menciona
Amigonan, bisñanan y conocinan Su amigonan di Caha di Orgel, Grupo di Cheppi, Favi, Grupo Magdalena

Un danki Special na Su dokter di cas stima Dr. Amarantha Dirks y Edmond Harms Foundation.

Ta invita pa asisti na acto di entierro cu lo tuma lugar diasabra 4 januari 2020 for di 2or pa 4or na misa St. Anna na Noord pa despues santana catholico na Noord.

Oportunidad pa condolencia lo ta diabierna 3 januari 2020 for di 7or pa 9or di anochi na Royal Funeral Home



Señor ta mi wardador, mi ñ tin falta di nada Den cunucu di yerba berde e ta ponemi sosega. E ta hibami na awa frankil, Pa mi bolbe haña forza
Salmo: 23

Conforme cu boluntad di Dios, nos ta anuncia fayecimento di:



Silo Urbain Tromp
*20-12-1940 - 30-12-2019

Acto di entierro lo wordo anuncia despues.



Señor ta mi wardador, mi ñ tin falta di nada Den cunucu di yerba berde e ta ponemi sosega. E ta hibami na awa frankil, Pa mi bolbe haña forza
Salmo: 23

Cu dolor na nos curason, nos ta anuncia fayecimento di nos ser kerí:



Sr. Angel Werleman
Mihor conoci como **Boei pata laria**
*02-10-1935 - 24-12-2019

Acto di entierro lo wordo anuncia despues



Señor ta mi wardador, mi ñ tin falta di nada Den cunucu di yerba berde e ta ponemi sosega. E ta hibami na awa frankil, Pa mi bolbe haña forza
Salmo: 23

Conforme cu boluntad di Dios, nos ta anuncia fayecimento di:



Iris Maria Croes-Tromp
*22-01-1952 - 28-12-2019

Acto di entierro lo wordo anuncia despues.



Pasobra e Señor mes lo baha for di cielo cu grito y cu bos di Arcangel y cu trompet di Dios, y esnan, cu a muri den Cristo lo lanta prome

A fayece inesperadamente:



Enrique Kock
Mihor conoci como **Eddy**
*15-07-1947 - 29-12-2019

Acto di entierro lo wordo anuncia despues



With immense sorrow in our hearts we participate the unexpected passing of our beloved husband, father, grandfather, brother, uncle, friend,



Len Leenheer
 Sunrise, October 10, 1955
 Sunset, December 23, 2019

Beloved wife: Maureen Leenheer-Vieira
 Daughters: Devah Leenheer
 Vanessa & Beezar

Sirini
 Grandsons: Tristan & Dastan Sirini
 Family: Pauline Joseph-Clarke
 Beloved pet: Ziggy Leenheer

Siblings:
 Astrid Leenheer
 Karen Leenheer & Alwin Schenker
 Andre & Debbie Leenheer

Nieces & Nephews:
 Kristal & Mani De Silva De Freitas-de Groot
 Kimberly de Groot
 Dimitri Leon & Nathalie Pop
 Sergei Leon
 Kyra Leon & Jonathan Pita
 Lance Leenheer
 Vince Leenheer

Families:
 Leenheer, Sirini, Mohamad,
 Vieira, Killkenny, Wallace, Fishtler, de Groot,
 Linscheer, Boonstra, Kasemier, van Dijk,
 Carpentier, Kim, Leon, Halley, Dos Santos,
 Genser, Huijskes, de Castro, Everon, Herrera,
 Martinez & Pieters.

Dearest friends:
 Bart Balsem, Pempi Maduro, Emile de Cuba,
 Josef Croes, Michael de Cuba, Marky van
 Romondt, Eddy Ras, Dr. Donald
 Bermudez, Dangui Oduber, Lauren Eman,
 Thanya Croes, Magali Maduro, Carmela
 Dijkhof, Michael Williams, Edwina Henriquez

Funeral will be held at Aurora Funeral Home on Saturday January 4th from 9 - 11am.
 The family respectfully will not be receiving visitors at home after the funeral service.



**Mira con Dios a salba mi,
 Tur mi confiansa ta den djE,
 Mi n' tin miedo:
 Señor Dios ta mi forsa, mi refugio.
 E mes t'Esun cu a salba mi.
 Isaías 12:2**

**Cu dolor na nos curason, nos ta
 anuncia fayecimento di nos ser kerí:**



Sra. Epifania M. Webb-Henriquez
Mihor conoci como "Ana"
***12-07-1944 - †23-12-2019**

Na number di su:

Mayornan:

†Henricus Henriquez
 †Gertrudes Henriquez

Casa: Rosimbo Webb

Yiunan:

Rudolfo Webb y Omayra Webb
 †David Webb y Maryenis Webb
 Danilo Webb y Jeanette Beaumont
 Jeffrey y Jahaira Webb

Nieto(a)nan: Ruthjyn, Kathy y Jair Thompson
 yiunan, Genlyn y Imro Gonzales y yiunan,
 Joshue, Davner y Nicky Dekker y yiu, Divnad
 y Brayn Haggens y yiunan, Danvid y Michella
 Tromp y yiu, Giandric, Danietza y Eldrick
 Hasham y yiunan, David, Dajeon, Kerrelaine,
 Juliette, Jessica.

Rumannan:

†Angel Henriquez y Frida y famia
 †Everard Henriquez y famia
 †Januario Henriquez y famia
 †Juan Henriquez y famia †Alonso Henriquez y
 famia
 †Dominico Henriquez y famia
 Margarita Henriquez y famia
 †Ambrosio Henriquez y famia
 †Gabriel Henriquez y famia

Consuegro(a): †Venancio y †Novita Webb
 Swa y cu anan, sobrino y sobrinanan,
 bisoanan, ihanan, conoconan, gruponan di
 Oracion.

Demas famia: Webb, Henriquez, Geerman,
 Croes, Cantillo, Beaumont, Rasmijn,
 Werleman, Lacle, Gamarra, Everon, Croeze,
 Geronimo, Heronimo, Bernabela, Winterdaal,
 Oduber, Henricus, Peñaa, Valdes, Cepeda,
 Kock, Thiel, Verhoeks, Kelly na Venezuela,
 Hulanda, Colombia

**Ta invita pa acto di entierro cual lo tuma
 lugar na Misa Sta Filomena na Paradera
 dialuna 6 di januari 2020 di 2'or pa 4'or di
 atardi. Despues lo Sali pa Santana
 Catolico na Sta Cruz.**

**Condolencia lo tuma lugar na Aurora
 Funeral Home diasabra 4 di januari 2020 di
 7'or pa 9'or di anochi.**

Enbes di krans of flor lo tin un box pa
 donacion caricativo.

Despensa nos si den nos tristesa nos por a
 lubida algun familiar.



Maske mi no tey mas na e mundo aki, tur dia lo
 mi ta banda di boso.

Cu Dolor na nos curason, nos ta anuncia
 fayecimento di nos ser kerí:



Sr. Arcenio Fernando Arends
Mihor conoci como "Senny"
 17 december 1958 - 28 december 2019

Na number di su:

Compañera: Christina(Tina) Kelly y famia

Na number di su yiunan:

Junior Arends Y Carmencita Henriquez
 Jeandary(Jane) Arends y Patrick Bressat

Nieta: Jerriane y Jerilaine y Jesslaine Helder

Nieto: Lyam Bressat

Mama di su yiunan: Jolanda De Cuba

Rumanan:

Jolanda Kelly-Arends y Juan Kelly y yiu
 Rolando (Nando) Arends y Aileen Wever
 Filomena (Mena) Kelly-Arends y yiu
 Albertico (Tico) Arends, yiu y Irene Lacle
 Fransisco(Frenk) Arends y Ingrid Arends y
 yiu

Amigonan di cas Chomon Arends y Debby Kelly-
 Arends

Ademas Famia: Tanta y omonan prima y primo
 nan

Arends, Thiel, Kelly, de Cuba, Boekhoudt,
 Erasmus, Werleman, Ruiz, Falconi, Hernandez,
 Helder, Dirks, Diaz, Tromp, Everon

Demas Amigo y Amiganan y conoconan.


Despensa nos si den tristesa nos por a lubida di
 menciona algun famia of conoconan.

Nos ta lamenta cu despues di despedida nos no
 por recibi bishita di condolencia na cas.

Ta invita pa acto di entierro cual lo
 tuma lugar na Royal Funeral Home
 diasabra 4 di Januari 2020 di 9or pa
 11or di mainta. Nos ta lamenta cu
 despues di despedida nos no por
 recibi bishita di condolencia na cas.



God saw you getting tired
When a cure was not to be
He wrapped his arms around you, and
whispered, "COME TO ME"
You didn't deserve what you went through so
He gave you needed rest,
GOD'S GARDEN must be Beautiful
He only takes the best



A fayece na edad di 81 anja
Marcial Faustino Conradus
(☼22 mei 1938 – †29 december 2019)

Na number di su difunto esposa:
†Cassandra Alice Conradus-Romondt

Su yiu homber:
Randall Conradus

Yiu adopta:
Sergio Rostand Daniel

Yiunan di crianza:
Tosca de Windt
Gunther de Windt & Rocia Acurio
Rhounda de Windt & Justin Ceelen
† Ingemar de Windt
Glenny de Windt & Dana Treadaway
Rhojeane de Windt
Iona de Windt

Su rumannan:
† Sjoni Conradus y famia
† Lydia Conradus y famia
† Ramiro Conradus y famia
Violetta Stacie-Conradus y famia
Majorie de Leng-Conradus y famia
Hubert "Ibi" Conradus y famia
Laura Conradus y famia
Ludwina Jimenez-Conradus y famia

Primo y primanan:
Rosina / Conradus

Manera yiu:
Antony "Tony" Lanoy

Nietonan di Crianza:
Sadie, Kimberly, Robin, Jamie, Channy,
Rhounda, Sarah, Chanty y Anthony "Toontje".

Blsanietonan

Y demas famia:
Conradus, de Windt, Rosina, van Eikelenburg,
Lanoy, Romondt, Dunker, Senior, Blanken y Petronilia

Su ex-colega nan di Unicon y ex- ateletanan di Olympia.

Danki especial na su cas di cuida The Hope
Muy en especial: Miranda y Oswald
Y tur e trahadonan di The Hope.


Ta invita un y tur pa e acto di despedida cual
lo tuma lugar diabierna, 3 di Januari 2019
14:00-16:00 na Aurora funeral home.
Cremacion lo tuma lugar den seno familiar.

Ta lamenta cu no por recibi bishita di condolencia na
cas.



☐ *Senjor ta mi wardador, mi no tin falta di nada; den
cunucu di yerba berde e ta ponemi sosega. E ta hiba
mi na fuente di awa fresco pa mi bolbe haya forsa.* ☐

Cu profundo dolor na nos curason nos ta anuncia
fayecimento inesperadamente di nos
Casa, tata, welo, bisawelo, ruman, omo i suegro:



Simon Dionicio Geerman
mihor conoci como ☐Moonchi☐
*3 November 1936 - ☐21 December 2019

Na number di su:

Esposa: Escolastica Geerman-Maduro
Yiunan: Maria Geerman y Robert Giel
Shirley Valdes-Geerman y Rolando

Valdes

Mama: ☐Elesita Geerman-Arends

Tata: ☐Manuel Geerman

Rumannan: ☐Ricardo Geerman ☐Dora Geerman
☐Cipriano Geerman - ☐Vera
Geerman

☐Veneranda de Cuba Geerman - ☐Joe

de Cuba

☐Femilia Christiaans- Geerman ☐☐

Hiacintho Christiaans

Agnes Geerman

Monica Geerman ☐☐Carolino

Maduro

Filomena Geerman

Nieta: Michelaine Henriquez y Omar Tromp

Nietonan: Michel Henriquez y Nalisa Henriquez-
Yarzagaray

Luis Antonio Valdes y Dayanna Gomez

Landho Jr Valdes

Johnathan Valdes

Marc Giel

Bisanietonan: Terin, Garin, Jeremy y Aiden

Ex Nuero: Michael Henriquez y esposa

Bon amigo di cas: Julio Luidens

**Cuñanan, sobrino- y sobrinanan, primo ☐y
primanan, ihanan, bisñanan y demas famia:
Geerman, Maduro, de Cuba, Christiaans,
Henriquez, Valdes, Giel, Tromp, Yarzagaray,
Arends, Croes, Stamper, Thijzen, Solognier,
Gilhuys, Mauricio, Beyde, Webb y Busby. Ex
coleganan di Lago, Coastal y AMC Unicon.**

**Si en caso den nos tristeza nos por a lubida algún
persona of famia, nos ta pidi nos mas sincero
disculpa.**

**Acto di despedida ta tuma lugar Diasabra 04
januari 2020 pa 11or di mainta na Ad Patres
Funeral Home. Nos defunto stima lo ta reposa for
di 9or di mainta na Ad Patres.
Cremashon lo tuma lugar den seno familiar**

Nos ta lamenta cu después di entiero nos no ta ricibi
bishita di condolencia na cas



*Mi no a muri.
Ta pesey mi no a bisa ayo.
Mi a djies habri mi halanan
y bula bai keiro. Boso a keda atras.
No laga tristesa domina boso.
Keda uni un cu otro pa mi alma,
esey lo ta un alegria.
Recorda mi cu hopi amor.*

Cu dolor na nos curason, nos ta anuncia fayecimento
inespera di:



Hermano Miguel Wever
Mihor conoci como: ☐Maiky☐
* 11 December 1956 † 25 December 2019

Na number di su:

Esposa: Marvis Wever-Ridderstap

Yiunan: Michella Wever

Michelangeli ☐Miche☐Wever y Edsel Roga
Michaelangelo ☐Maikson☐Wever

Nieto(a)nan: Sophia-Amelia Henriquez

Amber Henriquez

Dishan Roga

Dyshell Roga

Mescos cu yiu: Stephany y Jason Geerman

Mescos cu nieta: Leah Geerman

Rumannan:

Lucia Tromp-Wever y Fermin Tromp y famia

Pedro Wever y Frida Emerenciana y famia na Bonaire

Rita Wever y yiunan na Hulanda

Rosa Danje-Wever y Freddy Danje y famia

Elizabeth Bracho-Wever y Joxy Bracho y famia

Angely Cruz-Wever y Jorge Cruz y famia

Roy Wever y Amadee Lacle y famia

Ihanan: Jair Tromp

Jonathan Tromp

Angely Leonora-Wever

**Tanta y omonan, primo y primanan,subrino y
subrinanan, swa y cuñanan, bisñanan, conocirnan y
amistadnan**

**Team Brazilian Flash, ex-coleganan di Aruba
Caribbean Hotel y Alhambra Casino**

Demas famia: Wever, Lopez, Ridderstap, Roga,
Henriquez, Tromp, Emerenciana, Danje, Bracho, Cruz,
Brokke, Donata, de Cuba, Boekhoudt, Vrolijk y
Koolman

**Si en caso den nos tristeza nos por a lubida algún
persona of famia, nos ta pidi nos mas sincero
disculpa.**

**Acto di entiero ta tuma lugar Diasabra 04 Januari
2020 pa 4or di atardi na Ad Patres Funeral Home y
despues saliendo pa Santana Central na Sabana
Basora . Nos defunto stima lo ta reposa for di 2or di
atardi na Ad Patres.**

**Adres pa condolencia: Ad Patres Funeral Home
Diabierna 03 Januari 2020
for di 7:00 pm pa 9:00 pm**



Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 02 Jan 2020 Anochi

CATACHI
Sorteo # 6975
6973
4310
8075
BIG 4
Sorteo # 6019
3847
1OFF
Sorteo # 724
0206
ZODIAC
Sorteo # 4778
3349
Piscis
KORSOU
Sorteo # 2630
0505
6590
0786

LOTTO 5		
Sorteo #	Joker	Letter
0x Jackpot	260.000,-	
0x Match 4+		
0x Match 4		
0x Afl. 12,00		

LOTTO DI DIA	01-02-08-25-26
Sorteo # 4991	Proximo Jackpot
0x Jackpot	62.000,-
4x Match 4	
96x Afl. 8,00	

MINI MEGA	
Sorteo #	Mega Ball
0x Jackpot	310.000,-
0x match 4	
0x Afl. 500,00	
0x Afl 50,00	
0x Afl. 15,00	

MINI MEGA PLUS	Afl. 410.000,-
-----------------------	-----------------------



Bo cadena di number di suerte ta presenta resultado di awe

DIARIO *Closed*

SUPER 4 *Closed*

Paardenbaastraat 10, Oranjestad, Aruba Tel.: (297) 525 - 7555
www.lottoaruba.com
Resultado di Sorteo 02 Jan 2020 Merdia

CATACHI
Sorteo # 2787
1307
3111
3225
BIG 4
Sorteo # 2787
9866
1OFF
Sorteo # 843
1017
ZODIAC
Sorteo # 2787
9162
Aquario

LOTTO 5		
Sorteo #	Joker	Letter
0x Jackpot	260.000,-	
0x Match 4+		
0x Match 4		
0x Afl. 12,00		

LOTTO DI DIA	61.000,-
Sorteo #	Proximo Jackpot
0x Jackpot	61.000,-
0x Match 4	
0x Afl. 8,00	

MINI MEGA	
Sorteo #	Mega Ball
0x Jackpot	310.000,-
0x match 4	
0x Afl. 500,00	
0x Afl 50,00	
0x Afl. 15,00	

MINI MEGA PLUS	Afl. 410.000,-
-----------------------	-----------------------



Aries
Un amigo sincero lo yuda bo e dia aki. Lo bo representa e number di un di e horoscopian, asina ta, actua como tal. Ora bo ta unico, bo no mester ten miedo. Numbernan pa awe: 7, 14, 33 y 34.



Tauro
No mira e cosnan superficialmente, profunda bo mes den bo sentimentonan. Si tabata tin situacionnan di separacion, bo ta den e proceso di reconciliacion. Numbernan pa awe: 9, 24, 35 y 44.



Geminis
Bo intuicion lo sirbi bo pa aclaria dudanan. Si bo combina lo miho di bo signo cu e intuicionnan cu lo bo ricibi awe lo bo por reconkista e amor asina desea pa bo. Numbernan pa awe: 19, 21, 27 y 35.



Cancer
No molestia bo mes cu hendenan negativo. Concentra bo mes y lo bo wak con bo lo resolve e problemanan cu ta bin ta lastrando bo for di aña pasa. Numbernan pa awe: 4, 12, 22 y 36.



Leo
Un hende lo trece un noticia hopi agradabel. Si bo bay tin un cita, e lo sali hopi bon y pronto lo bo cuminsa cosecha e resultadonan sentimental cu lo cambia bo bida. Numbernan pa awe: 10, 30, 35 y 46.



Virgo
Un deseo ta wordo cumpli. Si bo priminti algo, percura pa bo por cumpli cun'e, ya cu si bo papia di forma impulsivo basa riba un emocion, por pone bo den problema. Numbernan pa awe: 11, 24, 32 y 44.



Libra
Concentra bo energia den bo propio asuntonan. Si bo ta feliz na e momentonan aki, no ta prudente pa trece awor aki loke a pasa den pasado. Bo bida ta pasando awor aki. Numbernan pa awe: 16, 25, 32 y 45.



Scorpio
Lo o sinti bo mes recompensa emocionalmente. Cu e influencia planetario lo bo por comproba con tur cos cu ta haci bo emocionalmente daño lo aleha. Numbernan pa awe: 12, 21, 27 y 38.



Sagittario
Luna den bo signo, lo pone bo rectifica un eror y lo bo sinti bo mes miho. Lo spera bo un bon noticia di un hende cu ta leu for di bo, pero ta yega na bo den e proximo dianan. Numbernan pa awe: 5, 14, 27 y 31.



Capricornio
Venus den bo signo lo envolve bo den un cantidad di gasto y compra. Esaki ta un dia hopi importante pa abo, ya cu e planeta di amor ta drentando den bo signo. Numbernan pa awe: 19, 23, 39 y 46.



Aquario
Lo bo bay scucha algo cu lo causa bo admiracion. Corda cu den e momentonan aki Luna ta den un signo di candela. Hopi espontaneo y habri pero alabes hopi reflexivo. Numbernan pa awe: 2, 25, 39 y 46.



Pisces
Cuidado cu atracado y abusado. Esaki ta un ciclo di revelacionnan sentimental. Posiblemente lo bo descubri cu un hende ta stima bo den silencio. Numbernan pa awe: 10, 13, 29 y 38.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Hende Muhe den Dificultad
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

Dokter na warda



Oranjestad

Hospital
7:00 pm / 10:00 pm

San Nicolas

24 ora
Imsan

Botica na warda

Oranjestad:

Trupiaal
Tel. 583 8560

San Nicolas:

San Lucas
Tel. 584 5119

Servicio di Taxi

Aruba Transfer Tour & Taxi C.A.

Pos Abao #41
P.O. Box 723 Aruba
Tel: 582 2116 / 582 2010
Fax: 583 6988



A1 Taxi Services Aruba

Moko 56 T
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com

Taxi Adres Services (24h)

L.G. Smith Blvd. #234
Oranjestad Aruba
Tel. 587 5900
Fax: 587 1928
E-mail: tas@setarnet.aw

Schedule january 2020

Day	Time	Ship Name	Start	End	Category
WED	01	MEIN SCHIFF 2	07.30	20.00	C
		SEABOURN ODYSSEY - Dept.	****	18.00	H
THU	02	CARNIVAL HORIZON	08.00	16.00	B
		FREEDOM OF THE SEAS	08.00	21.00	C
FRI	03	MARELLA EXPLORER 2	08.00	18.00	B
		SILVER SHADOW	08.00	18.00	C
SAT	04				
SUN	05	CLUB MED 2	09.00	14.00	C
MON	06				
TUE	07	NORWEGIAN EPIC	08.00	20.00	B
		ADVENTURE OF THE SEAS	09.00	21.00	C
		EURODAM	13.00	23.00	I
WED	08	MONARCH	06.30	15.30	B
		PACIFIC PRINCESS	09.00	18.00	C

EMERGENCIA

911

POLIS

Oranjestad	100
San Nicolas	104
Santa Cruz	105
Noord	
107	
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	
913	
Seguridad Nacional	
11911	
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	
588-7364	
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	
583-8560	

UTILIDAD

Setar	117
Web	525-4600
Elmar	523-7147

Centrale Bank van Aruba
Daily Exchange Rates - 12/31/2019



Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG ⁴	-	-	100.00
USD	1.77	1.78	1.80
CAD	1.34	1.36	1.38
CHF	183.98	184.70	185.50
GBP	2.28	2.33	2.39
JPY	162.60	164.09	165.73
EUR	198.00	199.81	201.82
DKK	25.76	26.48	27.28
NOK	19.25	19.97	20.77
SEK	18.13	18.85	19.65

For amounts up to Afl. 100,000

BONDIA
ARUBA

Ora di **STUUR** pone bo cel abou

E text por warda **Bo bida NO**

50 Caribbean Cinemas
Años, Years, Années

PH VIP At Paseo Herencia 582-3693

PBP Palm Beach Plaza Mall 586.0074

caribbeancinemas.com

Caribbean Cinemas Aruba

MORE VARIETY IN PROGRAMMING AND SHOWTIMES NOW WITH 14 SCREENS!

JANUARY 2-8

TARA WESTWOOD | JUNKO BAILEY
THE GRUDGE
WITH SPANISH SUBTITLES
PH MON-THU & SUN 3:50 | 6:05 | 8:20
FRI-SAT 3:50 | 6:05 | 8:20 | 10:35
PBP MON-THU & SUN 7:50
FRI-SAT 7:50 | 10:00
PBP VIP MON-SUN 3:00 | 5:10 | 7:20 | 9:30

ROMAN GRIFFIN DAVIS | TAIKA WAITITI
JOJO RABBIT
WITH SPANISH SUBTITLES
PBP MON-SUN 2:00 | 4:25 | 6:50 | 9:15

PAUL WALTER HAUSER | SAM ROCKWELL
RICHARD JEWELL
WITH SPANISH SUBTITLES
PH MON-SUN 3:20 | 6:10 | 9:05

WILL SMITH | TOM HOLLAND
SPIES DISGUISE
WITH SPANISH SUBTITLES
PH MON-THU & SUN 3:40 | 6:05 | 8:30
FRI-SAT 3:40 | 6:05 | 8:30 | 10:00
PBP MON-SUN 2:00 | 4:20 | 6:40 | 9:00
PBP MON-SUN 2:45 | 5:05

ANA MARÍA ARANGO | FRANCISCO BOLÍVAR
LA PACHANGA
SPANISH
PBP MON-THU & SUN 7:25 | 9:30
FRI-SAT 7:25 | 9:30 | 11:25

DWAYNE JOHNSON | JACK BLACK
JUMANJI THE NEXT LEVEL
WITH SPANISH SUBTITLES PG-13
PH MON-SUN 3:05 | 5:50 | 8:40
PBP MON-THU & SUN 3:00 | 5:40 | 8:20
FRI-SAT 3:00 | 5:40 | 8:20 | 11:00
PBP VIP MON-SUN 1:20 | 4:00 | 6:40 | 9:20

DAISY RIDLEY | ADAM DRIVER
STAR WARS THE RISE OF SKYWALKER
WITH SPANISH SUBTITLES PG-13
PH MON-SUN 2:40 | 5:45 | 8:50
CXC
PBP MON-SUN 2:30 | 5:30 | 8:30

KRISTEN BELL | IDINA MENZEL
Disney FROZEN II
2 GOLDEN GLOBE® NOMINATIONS
WITH SPANISH SUBTITLES PG
PBP MON-SUN 1:05 | 3:20 | 5:25

SAOIRSE RONAN | EMMA WATSON
LITTLE WOMEN
2 GOLDEN GLOBE® NOMINATIONS
WITH SPANISH SUBTITLES PG
PH MON-SUN 3:10 | 6:05 | 9:00

OPENING JANUARY 9: UNDERWATER, 1917, LIKE A BOSS

THE MAGIC OF THE MOVIES ON YOUR MOBILE DEVICE

Download on the App Store GET IT ON Google Play

Cambio den tarifa di inkomstenbelasting y loonbelasting

ORANJESTAD – Entrante 1 di januari 2020 tin cambio den e tarifa di inkomstenbelasting y loonbelasting 2020. Manera conoci e mesun tarifa cu ta valido pa inkomstenbelasting ta valido tambe pa loonbelasting. E tarifa aki ta hopi importante tanto pa e personanan priva como e doñonan di trabou. Departamento di Impuesto ta duna siguiientemente un splicacion di e tarifa valido pa aña 2020.

Cambionan

Aki ta sigui un bista di e cambionan pa cu aña 2020.

Cambionan	2020
Suma liber di Impuesto (Belastingvrij bedrag)	Afl. 28.861
Categoria di entrada (Inkomensschijven)	Tin 4 categoria di entrada. Pa cada categoria a cambia: - e margen di entrada - e suma di impuesto

Tabel 2020

E tabel di impuesto 2020 ta como lo siguiente:

	I	II	III	IV
1.	-	34.930		14.00%
2.	34.930	65.904	4.890.20	25.00%
3.	65.904	147.454	12.633.70	42.00%
4.	147.454	-	46.884.70	52.00%

Na un entrada di mas cu e suma menciona den kolom I, pero no mas cu e suma menciona den kolom II, e suma di impuesto ta bira e suma menciona den kolom III hunto cu e suma calcula a base di e porcentahe menciona den kolom IV. Ta calcula e porcentahe riba e parti di entrada cu ta surpasa e suma menciona den kolom I.

Prome cu aplica e tabel pa calcula e suma di impuesto mester deduci e suma liber di impuesto (Belastingvrij bedrag).

Na final ta baha e suma di impuesto cu a wordo calcula y hacie un suma cera.

Ehempel:

Entrada fiscal di aña 2020 Afl. 76.950

Suma liber di impuesto Afl. 28.861/-

Entrada riba cual ta aplica e tabel Afl. 48.089 □ mira categoria di entrada nr. 2 Kita suma di kolom I (categoria 2) Afl. 34.930

Saldo Afl. 13.159

Impuesto segun kolom III (categoria 2) Afl. 4.890,20

Impuesto riba Afl. 13.159 □ 25% segun kolom IV Afl. 3.289,75 Suma total di impuesto Afl. 8.179,95 Inkomstenbelasting of loonbelasting cu mester paga Afl. 8.179 (pa aña)

Departamento di Impuesto tin un Excel file cual su clientenan por uza pa calcula e suma di impuesto automaticamente. E file aki yama 'Berekening IB-LB 2020 (klanten)' y por baha esaki di e website www.impuesto.aw.

Pronostico di Tempo

Tempo:

Levemente te parcialmente nubia cu un awasero pasahero.

Temperatura maximo 31 grado Celsius.
Temperatura minimo 26 grado Celsius.

Bahada di solo: 6:26pm.
Subida di solo: 7:02 am.


Biento:

For di direccion generalmente oost y modera;
Forsa 3 te 4 (12 te 30 km/

ora, 7 te 16 nudo)
Den dia basta fuerte te posiblemente fuerte den rafaga;
Forsa 5 te 6 (31 te 50 km/ora, 17 te 27 nudo)

Situacion general di tempo:

Den proximo 24 ora lo no bay tin cambionan grandi den e tipo di clima cu tin actualmente. Sinembargo, un aumento leve di humedad den e partinan mas abou di atmosfera lo por induci un awasero den oranan di marduga. Sobra di dia, clima lo



keda generalmente seco.

Condicion di lama:

Olanan ta for di direccion oost-noordoost cu haltura di 3 te localmente 5 pia.

Misterio rond usuario anonimo cu Trump a retweet



CHICAGO (AP) — E usuario ta uza e nomber Gigi, tin biaha Sophia, Emma of Leona. Su ocupacion ta lista como maestro, historiado, escritor di documental y modelo. Tin especulacion si e persona aki en berdad ta un muhe – of hasta humano. Pero bot of no, e cuenta a hala atencion di presidente Mericano y su seguidonan riba Twitter.

Net prome cu mey anochi

diabierna, Trump a retweet un tweet di e usuario aki, cu e tempo ey tabatin e nomber Surfermom77, incluyendo e supuesto nomber di e whistleblower anonimo kende su keho a conduci na impeachment di Trump den camara di representante. Criticonan ta worry cu e acto por invita represalia contra e individuo.

E cuenta ta resalta con internet a duna Mericanonan comun – y esunnan posando como tal – un linea directo di

comunicacion cu e presidente, hasta si hende no semper sa ken nan ta.

Mientras anonimato riba Twitter ta permiti hende den comunidannan opresivo pa expresa nan mes libremente online, tambe por permiti hende acosa otronan of comparti declaracionnan falso sin responsabilidad. Ora e tweetnan aki yega na e presidente, miyones por retweet nan.

Reglanan di Twitter ta permiti bot y usarionan anonimo, tanten cu nan no participa den manipulacion, imagen racista, menasa violento of impersona otronan.

Pa lunanan, sostenedonan di Trump y algun portal noticiero a publica local nan ta bisa ta detayenan di e whistleblower, incluyendo e nomber y historia di e carera di e persona. E retweet di Trump ta marca e prome biaha cu directamente el a manda e supuesto nomber den e Twitter feed di su 68 miyon siguido. Identidad di e whistleblower

no a ser revela ni verifica. AP tipicamente no ta revela identidad di whistlebloweran.

Inmediatamente, analistanan di rednan social a pone duda riba Surfermom77, notando cu e cuenta tabata tin tur marca di un bot, un programa automatiza cu tin biaha ta difundi informacion online mientras ta parce di ta un humano.

Surfermom77 ta tweet mas cu mayoria di humano – 72 biaha pa dia averahe pa mas di seis aña. Ademas, su potret di perfil ta di galeria di fotografia di stock.

Despues di retweet di Trump, e nomber di e perfil a cambia for di Sophia pa Emma, despues Leona y despues Gigi. E handle di e cuenta tambe a cambia, for di Surfermom77 na LovelyGigi33. E persona tras di e cuenta a post un potret nobo, reemplasando un muhe den paña di oficina cu un potret di sapato. E usuario ta describi su mes como un sostenedo di Trump

residente di California.

Intentonan pa tuma contacto cu e usuario tabata sin exito. E funcion di mensahe directo ta desactiva, y e perfil no tin telefon ni email. Twitter a nenga di comenta publicamente riba e esfuersonan di e compania pa verifica identidad di usarionan, citando privacidad y preocupacion pa siguridad.

Na augustus, e whistleblower a entrega un keho riba un di e combersacionnan di telefon di Trump cu presidente Ucrainiano, Volodymyr Zelenskiy y otro tratonan cu e nacion Europeo oriental. E keho a conduci na democratnan lansando un investigacion cu a caba cu impeachment di Trump den Camara di Representante luna pasa.

Trump ta insisti cu e no a haci nada malo den su trato cu Ucrania y a declara cu e whistleblower a inventa e keho.

Ex-ehecutivo di Google, Ross LaJeunesse:

‘Mi a wordo hala un banda despues di pusha pa derechonan humano’

MERCA (cnet) – Ex- hefe di relacion internacional di Google a bisa ayera cu e gigante di buskeda a hal’e un banda despues cu el a lucha pa implementacion di un programa formal di derechonan humano na e compania.

Ross LaJeunesse, kende ta candidato pa Senado como un Democrata na Maine, tabatin un rol clave den checuta e decision di Google pa bandona e mercado di buskeda na China na 2010. E compania a bisa cu no lo censura resul-

tadonan di buskeda na e pais, y e tempo ey, co-fundado di Google, Sergey Brin a cita e ‘totalitarianismo’ di gobierno Chines como un motibo pa retira di e mercado.

LaJeunesse a bisa cu atrobe el a haya su mes defendiendo derechonan humano na China despues cu el a haya sa na 2017 di un proyecto yama Dragonfly, un esfuerso pa trece un producto di buskeda censura bek na China. Como contesta, el a sugeri pa adopta un programa di derecho humano na henter e compania,

cual publicamente lo compromete Google na cierto principio, como tambe permiti team di producto y ingenieria pa busca evaluacion di derechonan humano pa nan proyecto.

Pero cada bes cu el a recomienda un programa di derechonan humano, ehecutivonan senior a bin cu un excuus pa bisa no, segun LaJeunesse a bisa riba Medium. “E ora ey mi a compronde cu e compania nunca tabatin intencion di incorpora principionan di derecho humano

den su decision di negoshi y producto.”

El a bisa cu el a wordo hala un banda despues di pusha pa e programa, y a asigna otro persona pa lidera e discusion di politica pa Dragonfly. LaJeunesse, kende a cuminsa na Google na 2008, a bandona e compania na april segun The Washington Post.

Google a bisa: “Nos tin un compromiso fuerte pa sostene organisacionnan y esfuersonan pa derecho humano. E compromiso aki no

ta vincula ni afecta pa reorganizacion di nos team di politica, cual a ser reporta ampliamente y a afecta cantidad di miembro di e team. Como parti di e reorganizacion aki, a ofrece Ross un posicion nobo na exactamente e mesun nivel y compensacion, cual el a nenga di acepta.”

Comentario di LaJeunesse ayera ta yega mientras Google ta pasa den turbulencia intenso. E compania ta bou investigacion anticconfianza di oficialnan federal y estatal.

India ta restaura servicio di mensahe di texto na Kashmir

NEW DELHI (AP) — Autoridadnan na Kashmir, controla pa India, lo restaura servicio di mensahe di texto den e region den



disputa diaranson, casi cinco luna despues cu gobierno di India a baha su status semi-autonomo y a impone un ‘lockdown’ estricto riba comunicacion y siguridad.

Vocero di gobierno local, Rohit Kansal a bisa cu e decision a ser tuma despues di evalua e situacion. El a bisa cu servicio di internet broadband den hospital gubernamental tambe lo ser restaura. E prohibicion riba internet broadband y mobil pa otro usarionan lo keda.

Autoridadnan ta teme cu insurgentenan y separatistanan exigiendo independencia di gobierno Indio lo uza internet pa provoca protesta den e region cu por converti den demostracionnan grandi riba caya.

Tension na Kashmir, cual ta dividi entre Pakistan y India pero reclama pa ambos den su totalidad, a escala desde e decision sorpresa di New Delhi na augustus pa reduci e semi-autonomia di e region. India a sigui e movida man-

dando decenas di miles di extra tropa, deteniendo miles di hende y blokeando servicio di celular y internet.

Gobierno anteriormente a bisa cu e restriccion riba servicicionan di comunicacion tabata ‘den interes di mantene orden publico’. Algun servicio di comunicacion, manera celular post-paid y linea di cas, a restaura na october den fase.

Problema di Kashmir a cuminsa na 1947, cu e prome dianan di independencia Indio

y Pakistani, mientras e dos paisnan ambos a reclama e region den su totalidad. Desde e tempo ey nan a lucha dos di tres guera, cada un administrando parti di e territorio, cual ta dividi pa un linea di control militarisa pisa.

Di banda Indio, mayoria di protesta publico tabata pacifico te cu 1989, ora rebelde nan arma a lanta exigiendo independencia di e region of pa uni Pakistan. Casi 70mil persona a ser asesina den e protestanan aki y e accion militar cu a sigui.

Durante 2019 situacion di Venezuela a haya basta atencion

Na 2020 parlamento lo trata ley riba fortalecimiento di estado di derecho

ORANJESTAD – Lider di fraccion di MEP, Rocco Tjon a elogiar con parlamento ta bin realisando nan tarea di control. Aña 2019 el a hay'e uno 'positivo' tambe pa parlamento su rol di control di gobierno.

Den esaki el a referi na e control cu e organo legislativo a haci riba e Social Crisis Plan cu gobierno a mantene na dje. "Nos a controla esaki durante e aña. Mescos ta conta esaki pa presupuesto", segun e lider di fraccion di MEP.

Durante 2019 un topico cu no por keda afo ta e situacion di Venezuela, cu a demanda hopi atencion y tempo di parti di gobierno y parlamento. El a laga sa na Bon Dia Aruba cu parlamento di Aruba durante tur nan participacion den reunion interparlamentario di Reino Hulandes (IPKO), pero tambe den tur conferencia y congreso internacional, e asunto di Venezuela y su impacto pa nos isla, tabata un topico cu tabata bin bek. Igualmente den e re-

union cu e partnernan tabata wordo analisa e impacto di e situacion cu e bisña pais pa cu nos economia y siguridad. Esakinan sin desconoce e aspecto humanitario rond di dje. Pa atende cu e situacion aki tin diferente ley cu a wordo introduci y un di nan tin di haci cu asunto di asilo. Esaki pa mitiga e riesgo cu e situacion na Venezuela por trece pa nos pais.

Leynan pa 2020

Den nan agenda di otro aña tin varios ley pendiente cu a cuminsa cana su caminda legal y entrante e aña aki nan lo wordo trata. Entre nan un paso importante tin di haci cu fortalecimiento di nos estado di derecho. Pa gobierno por haci esaki tin diferente ley cu mester wordo trata y ya caba nan a cuminsa e trabou aki. Entre otro el a menciona e ley di 'ombudsman' of defensor di pueblo. Tambe nan a logra finalisa tur cos pa loke ta e ley di screening di minister y parlamentarionan; y e ley di financiamiento pa partidonan politico.



"Tur e tres leynan aki ta claworaki y na comienso di aña –segun Tjon– nan lo wordo trata. Nan ta pasonan cu e ta considera como 'hopi importante' pa trece cambio den politica y restaura e confiansa cu pueblo tin den politica.

Como fraccion mes, nan a yega di entrega un ley di ini-

ciativa pa proceso di identificacion bira obligatorio y tambe eleva siguridad den trafico, nan ta cambianan cu lo wordo trata na inicio di 2020. Hunto cu nan e anuncio cu gobierno a haci di introduci un registro pa loke tin di haber cu integridad. E ta haya esaki sumamente importante mirando e reportahe

cu a wordo a saca riba e grado di corrupcion, con esaki ta wordo percibi pa nos comunidad.

Finalmente lider di fraccion di MEP a expresa su deseo di Bon Aña pa henter comunidad di Aruba.

CAR no por ofrece pakete di retiro sin claridad laboral futuro

Miembronan di FTA lo drenta den 'slow down action' den refinaria

ORANJESTAD – Diamars 30 di december, Presidente di Federacion di Trahadonan di Aruba (FTA), Hubert Dirksz a manda un carta na vice presidente interino y general

di Citgo Aruba Refining N.V. (CAR), Sr. Joe Crawford, den cual e sindicato ta pidi atencion urgente pa varios punto.

Esaki despues cu a wordo

anuncia cu refinaria ta stop su actividad pa fin di januari awor. Den e carta aki, FTA ta anuncia cu e trahadonan miembro di nan sindicato lo inicia un accion mas slow, of accion morocoy den nan ob-

ligacion di trabou.

Bon Dia Aruba a haya acceso na e carta aki, den cual FTA a referi cu dia 27 di december ultimo, CAR a presenta un oferta di retiro di su empleadonan, incluyendo e personal di staf cu mayoria di nan ta miembro di nan sindicato. FTA a laga sa cu nan no ta conseha niun di nan miembronan pa acepta cualkier oferta di retiro, si no tin claridad riba e posibel continuacion parcial di nan acuerdo laboral cu un operador nobo di e refinaria y/of terminal petrolero.

FTA y nan miembronan ta haya cu CAR no por ofrece pakete di retiro y bin cu fecha limite pa acepta nan, sin duna niun informacion relaciona cu e continuacion di trabou. Nan ta haya cu CAR no ta cumpliendo cu ley y obligacion, manera un bon dunado di trabou. Esaki ta crea un gran incertidumbre entre nan personal, locual ta totalmente inaceptabel.

Igualmente, FTA ta pidi si nan por haya mas claridad riba

e asunto aki, ya cu gobierno di Aruba no ta comparti su plannan relaciona cu e continuacion di operacionnan di e refinaria y terminal petrolero cu CAR. FTA kier sa ki sorto di accion of mecanismo CAR a cuminsa contra gobierno di Aruba pa obtene mas informacion, ya cu e asunto aki no ta mucho cla. Ademá e sindicato ta laga sa cu CAR tin un obligacion legal di informa su empleadonan di e consecuencia di e tuma di control di nan operacionnan. Esaki ta wordo estableci den nos Codigo Civil di Aruba (articulo 1615df).

FTA a informa cu na e momento aki y te hasta cu CAR lo por cumpli cu su obligacion legal y brinda e sindicato y nan miembronan tur informacion necesario riba nan situacion laboral futuro, tur miembronan di FTA lo drenta den 'slow down action'. Esaki ta nifica cu tur nan miembronan lo cumpli cu su contracto regular y nan obligacion di trabou, pero nan lo wordo ehecuta bou un ritmo mas slow.





BUY ON CREDIT OR CASH
COMBO DEALS!
 BUY 2 GET **10% OFF**
 BUY 3 GET **15% OFF**



CASH PRICE
f 2029.90
 MONTHLY **f 172.53**

COVERTY-ROUND
 DINING ROOM TABLE
 & 4 UPH SIDE CHAIRS



CASH PRICE
f 1372.70
 MONTHLY **f 116.67**

W556-68 EXTRA LARGE
 TV STAND DANELL RIDGE
 BROWN

SHOP NOW!
 WITH UP TO
24 MONTHS CREDIT

AVAILABLE
 IN 3 SIZES
 (ASK FOR PRICE)



CASH PRICE
f 4483.80
 MONTHLY **f 381.10**

PATIO SET SALCEDA COLLECTION